

蒼鹿靈龜舞黃鶴琅玕芝草紛無數五老光寒
動南極天闕鴻鈞開壽域年來南極躔吳會等
聞百歲占耆德福州刺史中吳彥八十慈親俱
聖善出繼時兼寸草心稱觴歸及朝天便彩服
依依忽長夏我來稱觴仍勸駕慈顏渥丹逼五
老况有兒孫堪慰藉弧光照地庭槐綠鸞書輝
映長生籙丈夫養志貴及時會捧星辰調玉燭
題徐士元所藏夏太常竹
魏得高林數竿竹春雨淋漓飽新沃娟娟淨洗

斷埃塵彷彿藍田迸蒼玉掛壁悠然坐獨看頰
令六月生晝寒會食餘蔭遍寰宇忽遣煩鬱成
娛歡竹裏參差一拳石相倚年年度朝夕冰霜
不改歲寒心老去孤臣抱忠赤太常寫此遺君
家不是尋常桃李花邛枝翦擲澄潭下回首風
雷老龍化

夢玄所看菊

遠天長塞鴻鴈飛風山木落黃葉稀籬邊有菊
競金紫九十秋光寒不死看君持酒餐落英下

有百尺寒潭清

鴈

自入晉陽道關河秋欲過樹疎雲影薄月滿夜
光多聲切隣家杵寒侵客袂羅西風南去鴈爲
落玉山阿

寄何道亨副使

記得曲江邊長安逸轡聯浮沉忽廿載斑白共
衰年秦晉官相近荆吳思久懸莫嫌雲樹隔書
問塞鴻便

獨酌

雅歌回泛想淺酌對芳辰三晉巡行地中朝獻
納臣雨鋪臺下雪苔出砌邊塵不盡瞻雲思天
涯忽暮春

奉懷少司徒鄭公

朝發鳴騶去西臺不見君徑花含曉露簷樹織
春雲價倍來時重名多去後聞錦袍瀛水渡曾
復眷河汾

謝宋張二侍御王官谷之作

歷代詩選

明周伯明

次集卷九十八

十三

西晉中條勝王官谷竄幽向來期共到何意阻
同遊玉版傳新調銀鈎慰老眸倚闌貪想像雲
樹霍山稠

送薛允嘏改判嚴州

長安秋雨過隄柳帶風霜桐水辭家近湘雲入
夢長古臺雙釣石新檄舊甘棠山郡供輸少催
科拙不妨

送余侍御珊謫判安陸

去國秋聲動監州復遠行夢中宮樹渺江上楚

雲橫折檻名逾重投湘憤未平冰霜自愛惜出
入本來輕

送徐錦衣

錦衣南躍馬萬里嶺雲長三月辭京國中途是
故鄉龍光金節重劍氣鐵衣涼 聖主綏柔意
蠻煙草樹荒

送施天秩還太倉

作詩送歸客客是故鄉人山水幾千里鶯花又
一春壯心滿天地衰鬢驚風塵何當共江滸白

歷代詩選 卷之四
酒紫絲萼

送周君大赴臨安節判

臨安天萬里十月使君舸峽氣停磯浪霜風捲
瘴毛過江鄉路隔望斗驛樓高白下音書僻臨
分罄濁醪

送葉判府尚原東還二首

親朋故鄉至秋到忽東歸曉漏催征馬涼颺透
客衣分離歡未洽登覽興多違鎖鑰西關寄虛
瞻皂蓋飛

江路烽煙接山城柝堠明地中龍虎氣天外鼓
鼙聲冀北已傳蹕淮南未寢兵書生慙戰畧叨
守亞夫營

發揚州

揚州已二月寒色帶蕭森夜雨太無賴春風轉
不禁驛船千里夢客路五更心迢遞長江隔雲
天鴈字沉

泊清河東張侍御汝立

夜向清河泊風沙日又曛燭光虛牖過樹影細

簾分星斗遙，雙闕鄉關隔。片雲寂寥離，思劇把酒對微曛。

次韻師家庄闌

北望任城近，沙原有廢村。堵高峰穴在，屋破燕梁存。驛舍丁夫急，漕舟鼓角喧。岍東有僧寺，軍落賦雞豚。

歸鴈

春半歸鴻急，相呼舊侶鳴。龍沙矧弋少，水國稻梁輕。襍翮塞雲近，排空邊月明。無端遠遊子，翻

失故鄉情。

秋夜

秋夜孤燈坐，迢迢萬慮賒。經年常作客，清夢幾還家。寺迥鐘聲杳，窻虛月影斜。破愁除是酒，僮僕勸應加。

東園限韻

春山同晚眺，乘興卽山陰。徑滑露華重，月高河漢沉。歌鐘嘶櫪馬，烽火散溪禽。朋舊過逢地，園名不用尋。

顧野泉夜話

建業親朋過相看喜復驚感時俄廿載話舊欲
三更湖海蒼煙隔風塵素髮生輪君足幽興雲
洞玉泉清

贈張惟廣

兩日風江度輕鑣夜到門別來疑夢寐坐定問
寒溫露氣涼霑席荷香淨入樽秣陵足遊覽歸
計未須論

觀稼二首

野眺登山閣閒情象外添松風清梵宇花雨暗
湘簾壁墮丹青影峰攢紫翠尖今寬九農望穫
稻兩秋兼

山城秋過雨千里淨埃塵塲圃登禾黍神祠薦
藻蘋催科今到骨餓芋久垂津見說陽城守年
來澤被民

對雨

衙散忽風雨琴樽獨坐時濕滋牆蔓長寒指檻
花遲野菌和雲摘臺蘭趁晚移四郊沾灑徧春

歷代詩選
意滿畊犁

二月廿九日雨

朝來雨不止薄暮晃新晴萬壑泉爭赴千峰雲
亂行鳥擎林葉重鳴泚水花輕吏隱真投迹篇
章取次成

牛首山

牛首城南路聽鷄試曉行露霑烏帽重嵐透紫
羅輕埜色花無數山聲鳥異名萬松深處轉
口白雲平

宿大通港

夜泊大通港迢迢數驛程江流山欲動潮長月
初生亂磧飛鴻影虛簷警柝聲此時雙闕下兒
女話燈明

劉司空南坦王司馬浚川許司寇松臯過
訪用韻

傳報高軒過開窗小設筵寒林喧鳥雀沙竹淡
風煙野館一樽酒春江萬里船分携更相憶惠
我出郊篇

歷代詩選 月 卷一
安德驛路與邊華泉別

捧檄留都去江山總舊遊
薇花今共省竹葉暫分舟
罷奕銀缸淺吟詩碧漢流
後來安德水當是別離洲

崇武驛候水

崇武隄邊柳維舟候驛亭
月高沙浪白溜城石痕青
獨夜風前漏行蹤水上萍
浦溪春漲發蓬底雨冥冥

光嶽樓

繫纜臨東郡高樓俯碧濤
雲天千里目南北兩都心
勝槩兼河嶽淳風自古今
相逢故鄉客春日其登臨

初秋

秋來山雨過頓覺生微涼
綺戶蟾流彩瑤空鴈作行
霜前巖菊紫風外井梧黃
露冕拋紈扇清樽引興長

黃侍郎水亭

舊識春卿館新成水上亭
高天秋漢迴斜日暮

歷代詩選 明 唐 卷之八
雲停池藻搖窻碧江峰入戶青坐來塵慮淨朝
市有巖扃

衛河

清源欣復過幾泊衛河湄倏爾西風作頻將北
客吹水流多遶浪驛樹少寧枝明日浮雲盡行
行近玉墀

十一月六日夜半渡江

渡江潮正發江月看沉西星入金波動煙浮碧
漢低霜鐘遙水燧漁火近沙谿京口維舟處初

閏五夜雞

同王參議曹少卿登甘露寺

十年甘露約今日赴招邀寺古蒼崖峻雲開紫
殿遙江流接吳楚山色點金焦日暮鄉關思揚
舫候海潮

雨中清涼寺候客

候客翠微隈林深未得來臘樽携綠蟻時雨冒
黃梅過鳥和雲宿遊僧帶笠回鐘聲高欲霽還
遣吏頻催

宿聖像寺

到寺江村暮溪橋出定禪香臺雙樹直油幕一
燈圓竹雨幽鳴玉松風響奏絃楞嚴未須誦真
覺解玄玄

重憶

重憶南巖下清芬滿架花白薇封徑雪紅藥散
溪霞晝永閒方覺春殘興轉賒裁詩催故舊同
試雨前茶

吳芝山復欲遷居次韻

近來幽興熟步屨好頻行醉合移春影歌拚轉
漏聲故啼鶯自在曾惜犬相迎不省仍遷次追
尋似不情

玉泉亭

停勒西來寺臨池坐石梯錦鮮翻碧藻玉液漱
蒼溪竹塢犬時吠桑巔雞午啼南山瞻寶叔塔
頂與天齊

宿淨慈寺

白日南山轉西湖復此遊六橋隄上路雙棹月

歷代詩選 卷之八 二百八
明舟玉兔波心動青虬水面浮淨慈鐘夜半僧
引翠薇樓

東園

雨過東園坐幽清生夏涼日除梧竹影風幔芰
荷香止渴烹新茗扶衰簡舊方鳴蟬在高樹溽
暑頓相忘

臥雲閣

興發登山閣勞忘百尺梯檻前高壁下樹裏遠
天低墟落花成塢村田錦作畦一觴還一詠遲

日未教西

送張司訓爵擢同州學正

馮翊新除命吾邦舊廣文吳船帶海月棧路入
秦雲時雨關河淨春風草樹薰龍門多秀色沙
苑共氤氳

寄東希宋

見說山房勝青蒼少華晴墅開原楚澗沙引石
泉清渭水龍光動秦關斗氣橫何時召桓典驄
馬更長鳴

歷代詩選 明倫彙編 家範典 卷之三
寄間同州仲宇

猶記春明路殷勤祖席開風煙一分手雲樹幾
登臺盡道秦城牧難淹漢署材商原逢過鴈寄
我尺書來

西園

買園聊得地日涉未嫌多石磴臨丹井雲崖網
碧蘿草亭孤嶼際潭水下岩阿客至還觴詠那
知鬢髮皤

清源哭懋先叔

清源今倏過想像水雲中綠岬悲秋草黃埃起
暮風經年慈閣迥何處旅魂通沾釀樽罍在烹
鮮簋豆克餽投沙渚白燈照紙錢紅老淚流還
咽淒其獨倚篷

寧鸞鳴寺

殿閣山形轉憑虛俯石欄聞棕偶登眺勝界得
疎寬巒髻青堪縮峰眉翠欲攢石圭端土拱沙
印細紋刊藤蔓懸蒼壁泉飛瀉碧湍萬甍分井
閣半塔渺雲端岐虎苔斑潤林龍籜蛻寒提壺

歷代詩選 卷之四
會朋戚白戰再登壇

贈吳太守惟謙復任敘州

太守遙乘萬里舟，分符仍向古梁州。
堊堂春到涪溪煖，錦竹霜餘烏道秋。
五馬曉宣新簡命，萬人懽擁舊君侯。
才名自昔如山斗，借寇寧能復久留。

送汪進士奏回畢姻

少年三百獨超群，話別都門風正薰。
行到長江天接水，度踰高嶺棧連雲。
杏花穉子借時

葉宜人荷 聖君對雨忽成燈，下別携家急上
再論文

塔嵯驛聞警

嶺阪登登度塔嵯，石城雲護幾人家。
三春戍服猶裝絮，四月山桃始放花。
戈枕欲安驚旅夢，黍炊初熟聽胡笳。
長安道上金貂客，寶馬香車興自賒。

再次東田韻

仰首層霄散碧雲，雲邊旄節帶晴熏。
關山自昔

成天塹胡騎中宵避我軍臺栢霜颺纔一過桃
溪春色正三分花驄更向溪南渡滿面東風又
午薰

晴日登山次韻

晴日春山迥翠屏倚樓吟望不勝情含香花蕾
封猶坼破綠霜蹄止復行午塔影圓潭樹碧畫
燈光動雨花明憑虛正我神遊處上下江峰萬
里晴

歸承宗近竹亭

數椽茆屋倚蒼峰萬玉交加百事慵影墮酒樽
金瑣瑣梢橫書幌翠重重杜門不許丹陽造開
逕聊爲蔣詡容春雨若投青拄杖碧潭深處起
虬龍

定州寄曹司務

客裏驅馳頗自安煩呼童僕厭厭懸定須門戶
常深閉不是家書莫浪傳極目慈顏孤鴈外許
身忠悃五龍邊埋輪攬轡心期在未說相違動
隔年

○栢井驛

匹馬行經栢井鄉西來風壤異南方轆轤軋軋
溪爲井村舍層層土作房曉起入山收樵實晚
來臨澗覓牛羊石扉荆柵無人扣樹裏兒童出
短牆

有懷黃丹巖

壁間聊爾詠高譎高版橋東想薜蘿家似鄴侯
書更富門如陶令客誰過江南况味經年別塞
上峰煙入夜多却寄短篇憑問訊年來文字價

如何

按潞州擬奠李衛公祠不果步次葉文莊
公韻

廿載懷公計謁祠潞城迢遞未能之賸傳召應
當年事空憶勛名在昔時日影駛流冬欲半山
隈寒勒雪消遲梧楸百里煙霞外立馬西風攬
轡絲

韓尚書貫道惠詩寄謝

歸時疏草蹇驢馳鞞脫長空一鳥過忠鯁已收

歷才言選 日月作日
金匱史襟期多付錦囊歌身雖去闕時瞻象書
罷將人不換鵝撫卷夕陽翹首處羅雲千丈碧
嗟峨

十月朔時和姪遺應時菊二本

冉冉秋英照酒卮寂寥三徑慰相思黃金殿遠
色仍近綠野堂深香自隨已別登臨來隔月不
知題品自何時案頭菊譜名無數猶是重陽菊
一枝

送客

春城客裏送君歸風物偏驚故國違別意難隨
樽酒盡夢思先逐片帆飛青山相見仍前似綠
鬢重逢比舊非江上張翰好傳示知音莫道近
來稀

次韻隆禧寺看梅

花到今年又一新看花還是舊年人夢飛西洛
真成幻笑索東堂却見親橫倚一枝禪榻影半
酣千點故山春深盃明月三更後誰道天涯客
裏身

白雲山房

春山行看白雲生，雲白山青夜雨晴。半日間乘
蘇子興，一空談悟遠。公情花宮鴈塔隱，還見斷
嶺歌。嵯補欲平深坐夕，陽催去馬幾時聯。榻聽
鐘聲。

題沈侍御山水之間書屋

塵外青山綠水紆，水山幽處看吾廬。林園久與
塵囂隔，松菊真成吏隱居。接地風聲浮漱灑，倚
天峰影照澄虛。拋書不盡閒居興，海嶽悠悠意
有餘。

登報恩寺塔

長干禪塔逼蒼冥，偶共登臨似玉京。竹葉酒盃
光祿宴，杏花潭水曲江情。上方象緯相摩盪，下
劫樓臺幾廢興。爲問前朝僧細說，迢迢西望倚
虛楹。

送王寺正訪僉憲西蜀

峽流新漲渺無涯，萬里雲連蜀道賒。未盡三春
離席酒，行乘八月使星槎。懷忠城外瞻祠栢，遣

興溪西對浣花訟牒錦官知絕少君於棘寺况
名家

送制帛

畫閣猶催曉漏聲共迎神帛出留京宮雲樨護
旌旗轉馳道傳呼鼓角鳴郊廟本嚴周定制登
封非爲漢虛名因思柴望精禋地猶有蠶桑賦
未輕

神樂觀會次鄧司徒韻

幽徑霓裳列羽旄仙人煮茗淪幽泉蒼梧翳翳

棲鸞樹青野迢迢養鶴田碁局對人聊待客笙
歌行酒漫巡筵山房勝賞消長晝未必桃源是
洞天

苦雨

雨過黃梅水滿塘野萍隨漲翠浮堂藥闌徒倚
魚翻鰲花徑閒行鶴理裳愁借酒盃聊自况笑
憑碁局竟相忘捲簾忽見西山色鴉背林梢帶
夕陽

清涼寺避暑次吳甯菴韻

殿閣清涼接太空，薜蘿深處隱花宮。登臨此日
琴樽在，指點前朝感慨中。紫霧晝騰鍾阜氣，滄
江時引建康風。絺衣羽箠堪乘興，未必東山羨
謝公。

送朱拱辰還崑

故人千里相逢日，公暇時登江上臺。忽買歸帆
向湖海，可堪羈客送罇罍。詩中景象憑誰寫，舍
後林扉懶自開。紫蟹香粳莫深戀，秋風還擬挂
帆來。

八月十五夜月

露坐晴空禁漏寒，仙人飛鏡上雲端。銀蟾泚泚
光流白，金粟紛紛子落丹。千里酒盃同瀲灩，萬
家華彩各團圓。寒衣兒女遙南指，目極征鴻共
倚闌。

齋居

齋居長日愛幽偏，筠館清虛更可憐。碧裊檀煙
風細細，翠搖松影露涓涓。鴈書塞上何由達，龍
駕雲中定已旋。夜半漏聲燈月裏，玉珂天路珮

璠然

壽管儒珍方伯七十

方嶽棲遲楚尚安更推高誼早休官辭金未道
前無靈爛手緣知後有寬松逕試持新玉杖荷
衣不換舊犀鞶橫塘萬樹梅花發一醉長春取
次看

同鄧司徒飲蔣中丞三友軒次韻

竹陰斜日滿臺青席地何煩錦作棚翻覆棋枰
驚世態倡鬪詩句話平生松風池上聽遊鯉

雨林梢起坐鶯嚶爾開軒對樽酒清和光景歲
寒情

送王兵侍質菴致仕

十五題封乞罷官再陳方荷 聖恩寬昔年南
北塵初洗今日山林夢始安村裏人歸添酒伴
客邊秋及幾花看濟時祗恐推耆舊矍鑠還須
上馬鞍

新晴宴歸次韻

忽收山雨放新晴春宴歸來欲二更花炬分移

天路迴繡袍露拂露華輕興高未覺良霄永詩
就何慙太瘦生騎入天街徐按轡行瞻宮樹斗
杓橫

周承德除叅利州守卽乞致仕

半百燈窻未放閒一官初檄遂封還眼明秋水
雛丹鳳身衣春雲繡白鷗天地塵埃人世外江
山風月笑談閒迷途自訝爲官在兩鬢年來已
漸斑

送洪弘齊都憲考最北上

鎮重留都奏最時正逢仙仗賜鳩期霜威坐見
臺烏凜野興行將海鶴隨語燕風檣春渡穩遊
絲晴旆午光遲廟堂此日珍耆舊泉石何勞起
夢思

巳卯還自留都九日同顧孔安李仁山并
兒子鳳鳴登臥雲閣次韻

謝却塵途半日忙臥雲同上舊遊堂憑虛樹杪
江光見返照峰前塔影長笑整危冠籠晚鬢醉
將衰面助春陽十年九日千山外何處親朋共

歷代詩選
此觴

○燈下賞菊

更漏沉沉客滿筵
旋移黃菊素屏前
卽開尊酒聊乘興
亂發燈花若闢妍
看去醉疑蒙紫霧
折來香欲動華顛
相看記得長安夜
對影題詩又五年

渡江

鈺鼓聲高江雨收
錦帆輕颺渡江舟
金焦不負青春色
天漢遙分碧海流
旅夢煙霄幾過處

名天地一浮鷗
朝來無限瞻雲思
幾度回看北固樓

登歌風臺

歌風廿載登臺興
此日還停北上船
沛井尚存終自列
漢碑中斷已重鐫
白沙碧草猶春色
落日荒亭幾暮煙
總道當年思猛士
韓良何事學神仙

送張都憲敬亭還宣城

解組歸來欲避名
翻傳輿廩下承明
興從泉石

歷代詩選 卷之八 三
詩俱逸身遠塵囂夢亦清疊嶂峰前春樹渺黃
金臺下曙雲平謝家蘭玉森森起回首猶餘報
主情

大理寺芍藥次韻

繫馬槐陰午未歸翻堦紅藥正芳菲開簾白日
影搖座繞砌和風香襲衣采石載將醪正美東
甌攜得蟹仍肥從容退食還賡味棘寺門閒訟
牒稀

一雲次王守谿閣老韻

石磴崔嵬路折旋崎嶇歷盡是平田高林忽送
催詩雨深澗遙分悟道泉僧爲知名如舊識地
疑曾到豈前緣萬竿修竹挽天起欲借琅玕紀
歲年

天平山

十年不到天平寺雲白秋清山更竒落木聲中
森萬笏古臺高處有穹碑鳴鐘未入支郎院下
馬先瞻范相祠祠下雲泉流不住悠悠千古動
遐思

歷代詩選 田原作時
臥病得鳳鳴家書

直北關心病臥時無端消息儘堪疑白鴻一聲
叫也惡黃犬何處來翻遲電雷昨夜忽復靜雨
露茲晨還自乘沈疴浹月頗覺解覓紙起坐題
新詩

遊清涼寺二首

樹裏僧鳴客到鐘翠微深處繫青驄九天日月
瞻依外萬井煙花指顧中王氣春圍丹鳳闕卿
雲時護紫霄宮省臺無事休衙早此日登臨有

數公

春日春山偶出遊山扉晨啓徑松幽花宮日麗
金輪轉鷺嶺雲開畫拱浮潭影浸空高塔午泉
聲吹雨半林秋澄江萬里鯨波靜碧柳青蒲銷
戰舟

江巡曉行

繚繞江流逐岬斜西來巫峽海東涯竹簾篷戶
船船月山館雲亭處處家波淨試搖天上櫓風
恬真隱浪前花天邊絳節予方領銀漢如乘八

月槎

過東梁山西梁山

東西萬古石梁存
潮落潮生幾處痕
一水中流通鷁棹
兩山相向過龍門
樓臺依約高藏寺
煙樹迷茫下有村
風便未登聊問俗
詩成祗自引壺尊

閔視水操

龍江閔視水軍營
十萬貔貅畫鷁輕
烏陣雲盤秋宇淨
鯨波風定早潮平
三山遙接旌旗影
五

夜初嚴鼓角聲
野色漸分天欲曙
扶桑東望紫霞橫

秋夜

一池霜後淨無萍
影落雲天萬里明
欹柳漸疎風外影
過鴻遙曳塞邊聲
螢光篝火寒無燄
蛩語機絲懶亦驚
底事夜來清不寐
月明鈴柝震高城

次答靜齋巡撫見寄

池上秋生樹杪聲
匆匆夜席話君行
青尊擬罄

三山酒白日孤懸萬里情五兩風帆心共遠九
華雲物思俱平舟從采石樓前過傾地猶餘太
白名

紅心驛

行行長路夕陽催望望紅心探馬來臘意未舒
堤上柳春光先着隴頭梅青煙林匝棲鳥下白
雪坡盈獵騎回兩日和風上貂帽壯顏無待玉
壺開

利國監驛

坐倚南窗對鐵山鐵山無台舊名閒譙樓驛舍
孤村外滕國彭城兩界間塵路峻嶒天漠漠石
梁歆斷水潺潺何人爲國輸籌策冀馬重開
十二閑

十一月廿六日拜南刑部次月廿七日

陞辭寓曹氏園亭

霜天未解潞河水暫向城南一駐旌雲漏尚警
高闕報風埃聊對野塘清不將門帖通臺省漫
有詩篇記姓名時枉諸公遙問訊天涯誰道近

春明

南寺讀毛文簡詩有感

舊遊會記榼殺蔬屈指重來十載餘珠樹玉梅
春似昔野情僧面老猶初畫楹文墨皆陳迹青
草蛟螭總漫墟莫笑隨緣西竺語一茶清世有
誰如

衛河懷陳僉憲

清源秋夜下長河獨客孤舟月色多濁酒未緣
傾宿好高才那得聽新歌南都夢繞同臺署東

關天教接珮珂忽憶毘陵舊分袂薰風回首廿
年過

○重到法司

貫城門迥未須尋光景依稀昔似今楊柳綠乘
春路遠薇花紅放午堂深無邊躍鯉翻清沼不
斷鳴鳩喚紫林何意重來圖畫裏卅年無補愧
初心

九日

九日郊原喜放晴黃雲滿地正秋成松山落葉

歷代詩選 卷之三
隨風下花徑浮香逐馬行遠水接天開四界高
林棲寺隔重城醉來移席冠猶整安得風流似
孟生

官舍

官舍 真兼吏隱清遶隄高樹水泠泠嘉賓不厭
頻携酒別院猶堪小結亭天際青山排闥至花
間黃鳥枕書聽省堂多暇休衙早遲日春風靜
掩扇

東園燕集用前韻

一庭風雨送新寒公子留賓欲盡歡深酌黃金
行酒掌俄傳白玉送春盤城頭夕漏頻催柝燭
下歌鐘巧弄丸命駕要歸歸未得臬盧相博興
還寬

病中書懷再用前韻

病餘雖較怯風寒坐擁爐薰也自歡臥篆木魚
誰剥擊閉門窗虎獨迴盤青囊解縛收詩草碧
瓠隨題簡藥丸風色湖山還好未雲司三日簿
書寬

寄陳相鶴

重憶山人閒到老移居又住玉山西塵囂不到
青松杪鷗鳥常來白石溪醉敝絺衣朱鶴伴笑
簪高帽玉鳩齊予歸擬結談詩社是處登臨要
品題

焚黃值雨雪

夜來春色到山家賁及林丘改物華五殿未緣
酬一得九原何意寵三加千峰雨合膏爲潤萬
里雲同玉作花黃燎音容在何處空餘涓滴醉

茅沙

過彭城

洪濤一過彭城下漠漠煙沙白鷺汀水落漫無
平野綠山圍不斷半天青子房直往祠前渡司
馬難從洞口經一夜老夫眠不去推蓬落落數
明星

九日隔風天津

滿江風浪正重陽船泊天津接大洋北望煙沙
宮樹渺東來鳧鴈海雲蒼霜螿入市肥堪饌臘

歷代詩選 卷之八 賦類 賦類 賦類
蟻開樽醉不妨回首具山黃菊在幾時能學孟
嘉狂

阻風良店驛

南征十月對南薰良店樓遲思欲焚播弄檣烏
塵積起浮沉水鳥浪花分一盃細引寒船月千
里遙懸煖閣雲縮地無緣南北去兒孫聊復慰
殷勤

雨後入關望都門

丹陽百里入關來雨後衝泥險道迴隴麥畦畦

露土濕山花種種向人開簷邊乳鵲將雛至樹
裏鳴鳩喚婦回七里高岡更西望春雲縹緲鳳
凰臺

三疏乞休伏奉 俞旨用韻有述

九天昨日降黃麻老得辭官興轉賒何處紅塵
迷客路一江清漲到儂家有棋儘可消長晝無
柝能催赴早衙掉臂出門那得礙 君恩難道
不堪誇

中秋日秋汀歸田諸老見過

金風忽動野堂秋，梧竹蕭蕭爽氣浮。
可待月來光正滿，偶逢賓至雨初收。
盤殮江上鱸堪市，尊酒床頭釀已篋。
分付兒童掃松徑，露臺高處恰登樓。

秋夜

秋夜飛螢拂樹明，水邊深坐葛衣輕。
金風頓覺塵襟淨，玉露還同野思清。
小院梧桐流月影，半窗燈火讀書聲。
何人苦被浮名累，車馬翩翩欲二更。

十四日立春谷高歸田見寄

明夜上元今日春，春風今歲太逡巡。
正傳生菜盤行玉，還看燈花燭貯銀。
令節併臨增勝事，小筵頻啓對芳晨。
獨慙郢調難爲和，滿院瓊瑤雪色新。

甌梅結子

南巖携贈一枝梅，插向甌甌土不培。
冉冉幽香浮几案，青青嘉實自根芟。
玉盤未足瓊瑤薦，金彈翻令燕雀猜。
回首和羹虛擢膺，不須移向日

邊栽

待月次韻

移席風亭月漸高半開水鏡半雲濤舉盃欲便
隨秋浦作賦何能似水曹一曲關山心自遠數
莖衰白鬢空搔坐深不覺歸來晚玉露涼生透
錦袍

石湖上方寺

湖上名山紫翠中上方鐘梵有琳宮林浮錦樹
山光發水落滄江海氣通雙洞鉢龍收夜雨九
霄笙鶴任秋風向來簪弁都拋却已覺禪心萬
劫空

鄧尉山房

行看一水來天目坐見千峰湧太湖啼鳥不知
遊客至閉關惟有定僧孤鏡中水月俱清寂象
外煙雲乍有無勝地久懷來較晚買山真欲辦
青畎

挽張直芳

張君拜官如謫官柳州之南行復南荒服 聖

歷代詩選 卷之四
朝深雨露瘴江終日自煙嵐長途旅櫬情何極
落日啼猿聽不堪淚掄寒原歌楚些蒲蘇松檟
碧相參

天燈

入雲華表綴春燈落落浮光破晦冥遊徑未須
繁燁燭照書何必聚囊螢碧紗窻迴臨秋月畫
閣簾開晝夜星漏斷六街人跡靜北窻猶自讀
遺經

○至日

歸來至日三年過物色年來好應期紅着江梅
初點點黃肥園橘尚垂垂五紋旋續針頭線半
局能添指下棋忽報前星照天下一陽來復正
當時

戊戌元日試筆

賜歸天上降黃麻忽湧今經五歲華曙日樓臺
收海霧早春梅柳淨煙沙試揮霜管新裁句細
汲山泉旋煮茶兒女蒲前高宴會玉尊金勝頌
椒花

鳳鳴五十

建議但知當日是升沉那復悔前非行藏如此
顏何厚心事無端笑獨違特遣罷官辭 殿陛
翻令供職到庭闈百年弧矢春同醉不厭茅堂
隱竹扉

寄題纓溪草堂

昔郭高林開草堂堂前潭水卽滄浪鷗鳧泛泛
澄波靜雲石泠泠白晝長試濯冠纓歌孺子却
疑圖畫對瀟湘仙郎莫負澄清志塵海煙沙正

渺茫

翠微閣

病足登臨老更艱人扶闌曲費躋攀憑虛試眺
前年景移席重看舊日山風閣崔嵬雲外遠雨
樓岑寂翠微閒明朝晴霽還須到分付禪僧莫
閉閣

登新樓

一上新樓百摺梯捲簾蒼翠玉峰齊天光照落
書邊幌海氣潮生檻下溪荏苒煙霞通宇宙透

迤城郭見東西千年身世青霄際何必桃源訪
路迷

王君羨林亭看梅

底事春來日日陰強移棲息就花深行經薄靄
穿香徑望隔寒雲帶碧岑水面仙裾來似夢城
頭筇笛杳無音自今幽興林亭熟再過肩輿不
用尋

獨坐

老來身世澹無營獨坐虛堂萬慮清靜看溪雲

兼樹靄細聽泉溜帶江聲喜貪書卷慵仍御壺
怯壺樽淺亦傾見說仙家閒不去也消長日對
棋枰

五日雪

薄海寒雲釀雪飛迤迤城堞玉龍圖蝗知入地
深無數柳見乘絲東覺肥春甕未開浮蟻動冰
澌初解泛鷗稀老夫正爾拋書臥高興何人款
竹扉

三月二十五日懋魯携酒東園看花

看花去歲竹闌邊今日花開恰似前抱病祗疑
虛几杖逢人翻得共周旋啼鶯落絮供長晝把
酒論文及暮年來歲春光如復在行廚應許再
開筵

鄭怡山春和樓

路斷平橋已廿冬登樓頻夢昔遺踪江雲繞棟
經時薄山色回春到處濃入戶再看新壘燕隔
溪還蔭舊栽松晨昏試扣長生訣門對高談得
易逢

除夜周壽石川前韻

明日真成大耄翁襟期孰與少年同壯懷猶在
歌彈缺狂虜初平荷總戎髭短未須刀鑷白顏
衰聊借酒爲紅光陰欲度真難別坐對寒燈夜
已中

春前一日晴

曆改新年十日賒春陽今到野人家瓊葩看雨
當軒放絲柳含風舞岬斜不語翩翩筵上燕長
開灼灼勝中花西園試筆聊呼酒川上晴光動

歷代詩選 明倫彙編 家範典 第... 日華

招王詩人雪塘過小園看梅

闔閭詞客來婁曲楚楚梅花照碧濤
白髮素心渾不改疎枝凍蓋自能禁
孤山此日爲幽伴浣水何時聽細吟
花逕東風長日掃莫愁荒草步難尋

宮詞

相喚簷前度嚶嚶柳外鴛寒衣裁未就
忽斷剪刀聲

踏田夜歸逾雨

蕭蕭禾黍荻蘆橫一望湖光廿里程
夜半歸來眠不得北窻風雨帶秋聲

訪熊道芳不遇

雨深泥滑馬蹄艱策力行行到館邊
深鎖綠楊人不見鷓鴣啼斷夕陽天

題南坦扇畫

天畔松風捲夜濤朱衣坐看月輪高
分明吏隱梅花水此意憑誰報水曹

歷代詩選

月島白月

次集卷九十八

四二

大

乾寧驛

驛樓風勁捲塵沙
天上樓船向海涯
北望官河潮正長
片帆拖影夕陽斜

蠶


篋笥開來紙半張
星星萬點浴蠶香
須臾湧出煙雲黑
却問東鄰摘穉桑

蓴菜

無日江湖不夢思
秋風七月是歸時
何人解送紫絲張翰意
百尺柔條送紫絲

荅周秋汀

老去詩篇字字工
蒼頭長日送詩筒
夜來我亦驚詩夢
聲落秋山寺裏鐘



藏書
青家
藏書

石倉十二代詩選

次集卷一百十三

終

卷七 寺星

月到白月

次集卷九十八

日


六



國家圖書館, NATIONAL CENTRAL LIBRARY, TAIWAN, R.O.C.

歷代詩選

四



四

石倉十二代詩選

次集卷九十九

惟唐槁

大明

嘉魚李承芳著
後學曹學佺閱

悼亡

後圃鏡如圓前圃方如席戴畚忘飢劬籬髮免
塗澤樹株工安排雁鶩行比立從宦未幾時高
柯隱長戟物在乃人亡食甘惟種核薤露何易
晞春風總無色

懷侍御馬君思進

蜀道通天上長安近日邊夫君在何處魂夢苦
相連詩句人傳道恩私骨擬鐫湖南多舊跡春
草自年年

寄湖廣寧湖寺僧原亮

心自寒灰者身猶火宅棲龍眠歸鉢底虎負過
溪西舊雨禪林在新松梵宇齊長風遞仙唄出
世入岩溪

閒書用石室韻

懶似三眠柳嬌癡吝轉腰偶移蹊徑步聊赴野

雲招卉服染山翠茶煙抹水消箇中多藥石休
覓鹿門遙

送李攻儀真省父用青蓮公江上吟韻

百分一棹空瓊舟唱將雛曲江水頭蛾眉月光
掃半淡鷗羽風勢疾還留子等待成千里驥叔
兮拚作一沙鷗骨透煙霞疑出世門傳組綬積
崇丘放筆興酣搖五岳佩紉容臭耀中州膝前
爲答尊翁道山泉莫合江波流

莆田柯容甫遺詩次韻奉答

求閒天肯爲公賒塵外翛然別有家卧月靜憑
仙篆石吟風緩曳短轅車菊餐籬落和清露荔
熟園林咀絳霞流水慰君應不淺釣磯旋覺石
稜加

春雪次息陰韻

盈盈端葉倚雲開挾得高寒入地來冰咽桃花
浮斷澗風彈柳絮被粧臺瀟湘雁去恩尤薄巴
蜀波生信不回郢上更誰歌此曲典君爲客獨
高哉

石翁寄詩奉和見情

仙界詩篇我得歌苓脂丹鼎斲松蘿典刑奇服
離塵甚魂夢長風度海多寺屬免歸聊復爾樵
夫庭拜尚蹉跎一槎慟哭教焚却曾涉前年浦
口波

都堂沈公寄詩白沙示世卿世卿偕余奉

和

達人不例苦吟人渾渾唐風轉逼真薜荔山村
詢野逸芙蓉秋水繪詩神仙臺玉笛梅花月民

舍羅紈樹色春我赴東吳吟社約擬從東老結
東隣

憲副沈公賜答前韻再重申和

山中習靜未忘言響接漁樵野曲誼鶴跡引來
尋藥徑龍髯香抱種瓜園樹陰娛客頻蹲石山
色隨僧半墮原滿戶晴雲團蓋宿填堦黃葉任
風掀

寄天與謝經歷

玉樹晴雲倚碧空謝家高格古今同閒時詩味

梅邊雪清世官資柳下風苔襯山光侵屐綠花
流溪曲泛觴紅春風不恨江南北夢渺池塘草
色中

再次陳石翁韻

水調歌聯孺子歌紅蘅碧杜襯煙蘿惟應方寸
塵須洗敢負滄浪水獨多僧僞或茶溫聞寂道
書開讀慰蹉跎沙鷗亦是雲煙翼蕩蕩青天浸
綠波

依韻和答雷敏秀才

色色煙花染透身詩家今喜得新隣無機理卽
堪忘我不朽名應却累人茶臼敲風松葉響酒
杯邀月竹根陳杜陵吟苦方成聖百徧推敲莫
厭頻

送成都謝掾

楚國芙蓉折露妍贈詩色借蜀江箋文章日事
乘槎使書畫虹光上峽船客路山清知己合公
庭水淡足人眠相逢多是雲霄貴猶禮巖泉石
榻禪

仙師山祖庄栽田次韻大崖

山墅爲防柝棘籬石田攻苦勾茆茨宗公敦實
貽謀舊孫子滋華食報遲髦士固從農子出白
民因感 聖王知揮毫亦着扶犁手擊壤狂歌
樂不支

二

代食獨憐禾是寶祈年衆幸稼如茨戴星往駕
雞聲早吟月歸鞭馬意遲啄揆畢適資腹飽喚
林布穀屬心知寧爲若輩羸餘計聊展先公拜

掃支

次韻答人

家住青山鄂渚東，江楂曾宿虎溪中。
峰標蓮色孤僧致，詩度松聲五老風。
羈旅吟期遊汗漫，漁樵懶得話英雄。
鳧鷖既醉波光醜，白石沙邊卧老翁。

抱子卿弟長兒賦得鳴臯鶴志喜

流憩仙筇晝景遲，庭階怡盼籜龍兒。
鶯聲嬌弄春蹊暗，蛟影夷延秋水疑。
桂出一枝山更媚，蒲

成九節石應奇，而翁易授精微旨。
汝伯詩爲遠大期。

與成都外郎石天祐

黃公山下茆蹊暝，杜老江干草閣寒。
蜀客詩名原楚產，涪翁譜跡擬都官。
遊心萬里天連水，乘興孤舟雪漲瀾。
歸去上言兩知己，濟衰應寄九華丹。

送陳先生弟艮山還莆田

雁行高翮排黃鶴，魚岳崇丘借卧龍。
仙踏秋槐

歷代詩選 卷之九 二頁九
催卷近神資春草澤詩濃天推行色青相遠雲
結離情翠且重九萬里程惟一日五千卷牘足
三冬

題扇畫

巖石雲封道士家滿蹊青桂落寒花山童依帶
那能掃也愛殘香醉露華

林見素致仕寄詩就用奉別

黃公山意足透迤寄傲婆娑樹數枝最是寒風
落岩桂黃金多助甕頭資

縣主及諸公因事赴臬還寄意

江上歌吟一棹輕却疑身界狎蓬瀛瑤琴也度
梅花調黃鶴來聽月下聲

次韻寄呈孔公老守

曲曲蘆灣釣艇輕紅塵渾是隔滄瀛捲蘆自製
清笳曲吹入雲天落雁聲

久不得酒

夜吟北斗挂簷陰朝步東籬菊色深歎息黃公
山下水漁人不唱汨羅音

憶大崖

搖搖天外劇心旌，鴻雁南飛又北征。
五嶺二湘春草綠，東風宜有杜鵑聲。

到洪山

山待情人人故來，柴桑心跡却相猜。
殷勤囑付新畚，雨爲補經行半損苔。

下山

段風情畫得來，悠悠道是虎溪回。
仙人來往

看僧堂香篆灰

李息陰遺衣以窄復還之詩以見意

山雲段段映襟裾，城市凡情得掃除。
回首太顛滄海上，一篇還累退之書。

次大崖韻寄呈嚴丈人

夢裏鴉聲撲曉陽，枕邊流水夜浪浪。
絲竿一點嚴灘月，家學漁樵不斷香。

和雷敏秀才

夢魂化蝶寄流橙，飛繞江蘋漠漠花。
長笛一聲驚忽醒，蛟龍窟畔有人家。

歷代詩選
廣東徐僉憲朝文寄扇索詩于上次韻奉
答

何物仙家爲我歸
珊瑚支瘦玉容肥
江天當暑
梅花落漫引寒風
白鶴飛

子卿買田池次韻大厓

山下平田田上池
不妨沮溺是吾師
縞衣淡月
婆娑影笑領山妻
歸去時

黃公山房約會卿不赴

放艇黃公山釣臺
香風十里芰荷開
看雲晝倦

獨眠覺點點殘鴉
晚樹回

望會卿值風

門前咫尺路行難
駭浪乘風欲蕩山
宛轉腸迴
如九坂擬隨飛鳥
過前灣

附田汝赫字深甫祥符人水南先生登父之弟

游僊詩

瑤池列僊真倪視
凌蒼蒼下有洪波
馳上有浮雲翔飛
薨羅赤霄懸拱拂
鳴璫珠箔流素煙
海天照瓊漿飄飄
弄雲霞裊裊翻霓
裳須臾已千

歷代詩選 明田深甫
祀邈矣曷能忘

旅夕醉眠河張口

醉脫紫貂裘高眠酣素秋覺來楹外望山月挂
銀鈎低頭無寶劒霜花流赤燄爲學萬人敵鋒
鏃久韜歛尚父老垂綸孔明龍卧人一旦師王
者寧復常賤貧我今何偃蹇薄海意難挽楊朱
岐路悲阮籍窮途返咄咄行路難行行歌考槃
吞聲尋趙魏立馬望燕韓

太白樓宴集

沈水流百折遙將淮泗通憑闕俯澄練千丈湛
長空一線西北來窈窕入齊東中流連萬艇天
際引孤篷秋風憶張翰把釣想任公共將千里
目遙送兩征鴻飄飄歸海裔望望去無窮如何
羈旅人安得羽翼叢乘雲訪赤松登天攬六龍
爲我駐玄髮鍊液美姿容身將黃鶴侶心與白
雲從豈能學長卿犢鼻歸臨邛

詠懷

白雲不歸山冉冉落窗牖蛟龍未上天且在漢

汚走嗟爾風雲徒本是塵埃叟尚父辭棘津囂
鬻向渭濱傾城齊拍手笑殺朝歌人素髮照青
波策竿懸錦鱗一絲引周祚寸餌釣商辛風期
感夢寐神與文王親非熊載後車八百衍經綸
革命回天地寧知屬賤貧當年竟不偶誰信席
上珍際會有朝晏咄嗟傷我神

夜歸

夜從城市歸兒女歡相依村巷犬爭吠柴門燈
火微栖雞在樹枝牛羊返郊畿禾黍幸登場非
稔亦非飢自茲輪官餘聊足以免飢飢渴不足
惜還喜願不違

紫團山人歌

紫團山人并州客北走燕雲南夢澤壯志真翹
海岱雲逸思生風追李白邇來訪我梁王臺花
朝月夜倒金罍憑高醉擬菟園賦弔古誰憐司
馬才知君學是子雲流甘泉獻賦未蒙收三年
獨遶荆山哭四海空持寶劍遊彈鋏青門聊繫
馬看花紫陌暫登樓幾經笛裏關山月盡是蘇

歷代詩選 卷之九 唐詩 二
卿六國愁五月黃河漭浩浩扣舷送子傷懷抱
白浪龍門倒雪山黃雲磧石連煙草千載論交
有孟韓山高天遠憶重歡臨岐把袂何爲贈對
酒惟歌行路難

宮人入道

妾身自侍昭陽殿錦幕雲屏朝復晏艷舞雲飄
綺席香嬌歌聲斷金壺箭金壺箭澀漏聲寒悶
倚箏箏不忍彈鳳凰釵冷雲鬟濕翡翠羅輕玉
骨單紅樓紫殿春將暮盧橘楊梅委墀路玉兔

西沈不復東可憐春色花朝露朝露纔晞霜霞
濛梧桐金井落秋風妾身自念非金石敢望君
恩歲歲同君恩自古誰能保願請瑤池弄瑤草
吸露餐霞學駐顏青蛾皓齒年年好珠簾繡箔
錦雲條側想鈞天奏玉璫暗解同心鴛帳結竟
隨玄圃鳳羣翔鳳翔飛入碧雲裏可憐嗚咽宮
前水宮水東流竟不還玉階琪樹空連理殷勤
再拜囑宮官好向宮中奉御歡異日丹成昇碧
落尚迎金蹕共驂鸞

公子行贈葛長伯東歸

隋楊淵綠陰梁菊綻黃金遊子朝來返東魯况
兼鴻雁揚哀音哀音嗷嗷斷河流齊川公子醉
悲秋錦繡山河遊北宋煙花樓閣俯東周公有
長才不自衒異骨峻嶒白玉面六籍胸藏滾巨
濤萬言筆掃如驚電竭來結客梁王臺二三子
者梁之才朝遊五帝三王囿暮獵齊梁菘苑開
天馬戲驪驪駉衰非凡駟麟閣雲臺貌豈難蒲
梢月國來非易我適高山采藥旋聞君遠別神

愀然吳鉤寶劍擢秋煙爲君沽酒夕陽天白鼻
騮鳴柳絲牽柳絲牽行且休陽關三疊過雲流
佇看萬丈垂絲處早挈金鰲碧海頭

題鮑氏舊山隱逸卷

廬江佳麗都舊山絕奇勝少小遊遊弱冠違夢
迴往往雲蘿逕身羈韓魏未還家汴水梁園樂
未涯春色隋堤搖萬柳月明嵩少采三花三花
采却覲仙都松子王喬啓秘圖神遊壘嶂迷三
楚興繞蒼巖瞰五湖花戴紫芝隨意折酒挈銀

瓶不用沽銀瓶醉倒舊山頭苦憶當年憩此丘
迂紆蘿磴鹿呦呦窈窕巒光翡翠遊煌霞魂夢
幾時酬歸去倘求雲壑侶與君齊跨二蒼虬

濱川草堂

五月麥秋禾黍高草堂虛豁對江臯歸來不挈
東山妓日夕長吟弄彩毫太丘風格本殊調經
綸捲作碧溪釣富貴只將草露看醉來獨倚雲
松嘯

圓明寺曉坐

曉起淨香焚禪牀坐入薰花燈三界寂鐘磬九
天聞塔集苔前雨窗留鉢底雲迷方知有悟願
此脫紛紛

過故沈丘王廢苑

寂寞何王苑荒涼廢寢孤月臨還玉砌風振自
金鋪春暖狐交窠天昏鶴獨呼可憐臺下柳還
對古城隅

贈莊生省覲歸江南

莊生歸省覲九月下揚州秋水孤帆遠白雲天

際流嶺猿驚客夢楓葉戰鄉愁爲報南華老述
遙海上遊

贈郁子南歸

離歌動竹扉客子振征衣遙憶吳江上霜清鱸
正肥山中三徑好天外片帆歸只恐波濤濶魚
竿拂少微

登太白酒樓贈別張大

樓對羣山起人隨世代遷不知千載下更得幾
事孤鶩迷荒澤哀鴻下浦煙辭君挂席去淮

海弄潺湲

太白樓贈肖齋呼子孟

二豪臨眺罷千古擅風流我輩同登日江山萬
里秋風燼淮海色舟楫故園愁把酒凌倒影長
歌憶舊遊

南京過舊內

寂寞金鋪閃參差玉陛畱苑荒梁殿閣草綠晉
山丘聖武歸中夏神功啓帝州可憐御河水鳴
咽向東流

草創開皇極雄圖近紫微雲留三殿鎖水帶六
朝扉芳草迴羅綺幽花閉禁闈玉堦春欲暮猶
自蝶翻飛

客有爲余遠求金字蓮華經者作此酌之
仙人求梵筴遠致紫金蓮潦水明秋日寒山帶
夕煙蒼松遶閣道白馬度雲天歸去山堂裏應
象佛印禪

寓京元真觀酬史大梅

二月都門柳柔條已拂金相逢述舊事契濶幾
傳音野寺松窗月江天竹塢琴向來行樂地追
想意難任

贈律山隱者

幽人脫塵網習靜坐壺天萬籟流雲壑千山響
玉泉林霞明夕浦松露濕朝煙永矢誰能悟高
懷迥自憐

席上贈推官還太平

萬國朝天罷孤臣返旆行清秋看過雁落葉下

歷代詩選 卷之九 高城海岫臨淮出江雲入楚平定知先攬轡早
晚望澄清

題蔡子彭塘別業

勝迹幽人賞名區雅志便竹崑深窈窕石竇瀉
潺湲水色銜階綠苔痕入徑鮮爲耽丘壑靜松
桂伴長年

西亭書院偕孫東蒙宴集

不識王孫館條然水竹鄉林堂秋黯淡煙澹晚
蒼茫雅會留孫縛追陪愧子方傳杯散圖史餘

興滿滄浪

送人遊西山諸寺

珠林開寶刹福地盡樓臺神鬼虛堂靜丹青畫
壁開飛泉天外落獨鶴嶺邊來恨不同君往登
臨謝俗埃

御苑秋砧

露結金扉冷霜淒繡幕深寒羅出素手乘月響
清砧高入宮雲斷低隨閣漏沈無言爲誰苦永
夜助蛩音

宿惠公禪堂

曲徑幽齋不可尋，禪扉行處竹陰陰。
客來深院無人語，香裊空簾有磬音。
竟日懸燈元不滅，中宵清梵忽微吟。
蒼苔白石青苔飯，月滿東林興不禁。

登古城弔令狐戰場

西風落日古城西，禾黍搖搖故壘低。
寂寂飢烏歸野戍，蕭蕭落木下寒溪。
斷雲陰雨還旌旆，荒藪空林憶鼓鼙。
最是江淮遺恨處，睢陽東去草萋萋。

萋萋

贈郁黎陽昆季南歸

青楓江口葉方零，獨客扁舟正杳冥。
坐入江籬牽浪碧，晴看海岫削天青。
霜寒雲暝哀鴻雁，浦淺沙高卧鶴鶩。
別後相思愁最處，吳門梁苑夢初醒。

宿清涼寺

寺倚山腰紺殿浮，泉飛洞口白雲留。
臨窗星漢高寒逼，掩迳藤蘿色相幽。
松月上時孤鶴唳，嵐

光深處暝猿愁中宵清磬天邊落散入千巖水
共流

秋興

宮梧殞翠下承明御水流寒繞帝京北極天連
鳩鵲觀西山雲起鳳凰城露凝仙闕開金掌月
照千門鎖玉衡惟有伶俜梁苑客旅魂零落不
勝情

二

西苑迢迢隔御河遙瞻禁籞渺煙波天臨偏甸

開仙仗日下平蕪散玉珂宮漏漫從三殿報爐
煙別向九霄多近臣更有承恩處龍舸時聞瓠
子歌

二

丹梯萬仞倚天迴憶踏梁王古吹臺三楚南連
嵩岳迥五雲西接太行來且看詞賦懸霄壤莫
歎鄒枚盡草萊一別故園驚歲暮黃花白酒向
誰開

天王寺春望

歷代詩選 明曰採甫 卷十九
招提春望盡煙霞綠竹青松老衲家門對三山
紆宋苑碑傳二帝狩胡沙雲邊虛閣流清磬樹
裏寒僧演法華人代幾迴登眺處空餘輦道夕
陽斜

秋興

秋風颭颭起天涯萬事傷心兩鬢華久客有貧
同季子匡時無路弔長沙

寫懷

洛客病餘淹鄴浦故園消息阻河閔窮愁荏苒
年華易世味蕭條旅况閒

石倉十二代詩選

明次集卷九十九

終

歷代詩選

明曰採甫

次集卷九十九

三

十



國家圖書館, NATIONAL CENTRAL LIBRARY, TAIWAN, R.O.C.



歷代詩選

明
清

詩

石倉十二代詩選

明次集卷之一百

山齋集

大明

莆田鄭岳著
後學曹學佺閱

立春和林見素韻

人生百歲期荏苒十踰四春陽布德新花鳥各
自媚髮髮日以種歡悰與昔異寢食淡無營細
縑護元氣朝雨洗春痕山已堆翠幽勝愜素
期糾紛傷往事所貴一身存儻來物皆寄破屋
城南隈百需無一備雲莊結比隣時在佳章遺

風詠激微衷懷哉邈高致

秋齋爲周彥通侍御韻

午夢忽夢覺呼童開竹扉借問客爲誰青驄束
金羈手持卷一握錯落瓊琚詞展玩重太息遐
心將在茲二氣互翕張真宰執玄機物盛不可
過歛舒各以時露凝天宇淨樹變郊原稀芝蘭
抱孤芳鷹隼奮高飛齋居感深念流光倏如馳
及時當自勵毋令華髮滋

送何子元少宰改任南都

夏秋多霖雨沈陰翳晨光積潦斷衢塗欲濟苦
無梁送子出城闔策馬登前岡回颺激流雲顛
氣變清商憑高一舒睇天宇何茫茫感茲物候
異鬱鬱情內傷古稱楚多才弱冠已擅場博學
富文藻節操誠慨慷茲行豈徒然抗言繫綱常
南望鍾山遙白雲懷帝鄉風露日夕清蘭桂
發幽芳與子結綢繆望望不得將平生契分深
白首相激昂浮榮久難恃萬世一何長願言保
終節青簡諒毋忘

歷代詩選 明興海華 二
幽居公署書懷

寧庶人宸濠久蓄異志予由臬轉藩裁抑逆
萌濠不能堪嗾同寮橫加誣訐威賂上下文
致其辜逮繫踰年始得罷歸憂患中嘗作蒙
難錄茲摘其槩書之

咄咄日書空禍階嘅伊始蟻穴昔何微潰川浩
無涖數至諒難違脩身以順俟明夷古所悲演
易在羨里厲貞乃終吉齋心悟玄理

其二

谿壑絕險巖千仞猶可窮人心如其面談笑伏
兵戎田灌平生交杯酒不相容魏其方解紛乃
逆遭禍凶往事昧明訓邈哉廉藺蹤鷓蚌久相
持漁人並收功

其三

平生相傾慕會合意何敦相期振頽靡撫心憫
元元如何自猜忌枝葉傷同根川洛構黨禍善
類鮮安存王導仇伯仁千載抱煩冤古來同歎
息棄置復何言

其四

鴉鳥栖前楹啞啞動哀鳴須臾雙鵲呼下上如
有營既憂還復喜徒亂羈旅情毀譽隨愛憎吉
凶竟難憑瞶瞶絕聰聽冥心遊太清

遊俠篇

戰國貴公子孟嘗最稱賢食祿儻萬乘養士滿
三千雞鳴與狗盜生死同周旋信誓重然諾服
御鬪芳妍一言偶合意不惜千金捐後宮出綺
麗歌舞醉華筵晝夜務經營力折王公權殺人

報睚眦道路不敢言頽風一以開延蔓彌八埏
漢網方踈闊吞舟漏重淵吳淖招死士密置滄
澠間豈知真將軍輕車出藍田逆節竟鑽芥明
鑿垂簡編

林竹田司空自予蒙難屢爲救解茲過洪
都挈予妻子同歸感而有作

司空並解國弱冠挹光儀意義重相許肝膽不
復疑名位日以崇詎肯忘賤微臨難力相拯千
里歸厚遺縈紆柱川陸爲我解纍羈舉家脫虎

歷代詩選 卷之三
口相將返柴扉深衷懷感激不覺涕交頤時情
轉勝異古道誰復持祈奚免叔向豈爲平生私
高情激千古流俗安足希

九江阻風泊舟有感

白浪起層層峰頭雲正黑
颶舟入小港聊茲一
憩息路梗難爲期滄波浩無極
坐觀北來船帆
挂千仞直篙工意閒暇津津動
顏色緬懷造化
心施予難爲力往船風宜南來
船風宜北南北
本異途彼此那俱得
物理每循環明朝未可測
隱几澹無營冥心悟羲易

過水口

建溪昔稱險橫流多怪石參差列
牛馬廉利侔
劔戟篙工慣習水禱賽資神力
前後互招呼分
寸恐或失激盪轟雷鳴沫流飛雪
白諦觀毛髮
豎一命試輕擲逶迤過水口灘盡
溪流碧棹歌
發清響貫酒娛西夕患至慮煩紆
險過事愉懌
物理固其然臨流長太息

發陝城

長安古都會，弭節暫盤桓。羣公日惠顧，樽俎接清歡。如何別此去，遙遙赴臯蘭。維時秋已分，日夕風露寒。清霜肅原野，草樹漸摧殘。玄蟬噤其聲，蟋蟀鳴夜闌。客子感時序，悽然懷永歎。迴望雙闕遙，迢遞層漢間。清光勞夢寐，行役何時還。馬嵬之南數百武，爲逆璫劉瑾故宅噫。楊妃以此地沒而瑾復，以此地生，豈事有適然歟。均足示戒。

明皇西幸日，嵬坡駐鑿旂。六軍不肯發，宛轉縊蛾眉。悠悠百世下，撫跡空嗟咨。妖氛豈未散，闔豎復生茲。懷奸竊大柄，國勢欲潛移。事頗天寶類，幸爾亟誅夷。羣奸起嗣虐，四海成瘡痍。亂階鑿婦寺，永垂萬世規。

塞下曲四首

邊郡良家子，結髮卽從軍。彎弓射胡月，揮戈開塞雲。黃河十月水，胡騎日成羣。突來犯我壘，決戰死生分。昂危殺首虜，不得敘階勲。

胡人慣騎射，奄忽若星馳。腥風吹馬來，四面衝

我師我師戒輕動持滿以待之祥北勿輕追恐
爲胡所欺

漢皇開五郡本爲制匈奴胡馬日南侵發卒守
邊隅主帥多刻剝軍吏恣徵需一食尚不飽安
能執戈受儻無內顧憂安敢愛微軀
虜酋相讎殺奔潰入西蕃西蕃不能制被驅若
孤豚蕃胡勢漸合種類日益繁長驅向洮岷千
里沙塵昏我兵旣寡弱剪滅何敢論

內丘憫旱

內丘數十里磽确環高原十旬不得雨四野沙
塵昏黍粟焦且死艱食憫元元官柳摧爲薪煮
葉充晨餐老穉出趨食破屋棄荒村公庾素乏
儲富室徒勸分鮒魚得斗水猶幸性命存安得
沛甘澤萬物回枯根

蘭州以山名北枕黃河城之西有唐帽山
尤秀特彭司馬幸菴先塋在焉

南望臯蘭山北枕大河流山勢相蜿蜒河流去
不休華夷界南北關陝扼襟喉中有唐帽山高

櫛鬱松楸靈氣鍾之人元老克壯猶邊事久經
畧樽俎運深籌

秋日偕社友遊溪聲閣

凌晨出南郭悠悠衢路長
褰帷臨迥野迴飈遞
微涼蒸鬱漸以舒顛氣應清商
農家收稿秸禾稼已登場
幸茲歲頗熟閭閻得小康
凝煙翳林莽鸛雀相翱翔
古來賢達士墟墓列道傍
感茲起遐念人生安可常
涓辰集儔侶迤邐越林岡
梵宇隱寥廓溪聲瀉琳琅
山厨登野菽石鼎炷篆香
談諧淹竟日薄晚雨冥濛
老至惜頽景駒隙度流光
及時恣遊賞毋徒傷慨慷

和林汝儀招飲溪閣韻

旭日散林霏澄波銜山影
離城纔幾許已覺非人境
侵階雨氣潤攪樹風力猛
采采園中蔬盈盈水中荇
更覓前溪魚垂竿移舴艋
占年慰夙期刺水秧千頃
几杖松壇幽雞犬柴門靜
幸逢素心人高談白日永

黃仲陽東洲別業

北郭亘芳阡延矚鬱幽邃木蘭及使華二水於
茲會墟曲藹人煙平疇間溝澮澄潭集漁網沃
土供王稅結構際交流儼與羣峰對閒庭芳草
積隙牖蛛絲綴慮澹物俱忘知寡我爲貴茲勝
君先得吾駕將焉稅磽确多棄壤所求亦易遂
衡茅成小築徐徐理荒穢來往話桑麻聊茲閱
年歲

淇縣有殷三仁祠將至衛輝有殷太師比
干墓廟

秋黍何離離驅馬登殷墟孟門與太行左右相
縈紆狡童不我好萬乘爲獨夫圖任惟奸回親
賢反見疎矢心各自靖揆道豈云殊埋骨邈千
年廟貌猶古初孔聖贊一詞永與天壤俱

安肅南出有劉伶墓碑

鹿車一壺酒荷鍤以自隨云死卽我埋曠達不
可羈如何此墟曲有塚高纍纍刻石紀道旁無
乃好事爲沈酣弃禮法車服焉得維遭危固有
託舉世人莫窺苦節多湮沒怪爾名獨垂

畫馬行

房星耿耿明碧落神駒墮地走沙漠天閑秣飼
列奚官逸氣俛就青絲絡古來神駿豈易畜遺
貌至今動人目肆兀爭看骨格奇人間萬馬徒
多肉汗血染成五色紋碧蹄高踏秋空雲躩蹠
嘶鳴神彩溢此圖疑出曹將軍渥洼異產今寂
寞世無伯樂何由識但收遺骨破千金不用按
圖遠相索

玉泉院對華峰有懷見素大司寇

華峰三面開芙蓉天然秀色浮空中我來坐玩
日當午膚雲忽合雨濛濛南峰隱霧不可見東
西峙立鬱葱鬱懸崖瀑瀉垂千條流出亂石如
素練結亭據石出林端極目煙雲渺秦甸雲庄
素老性好奇惜未到此一觀之蒼厓千仞意俱
往飄飄拄杖凌空飛象外煙霞諧笑語風前咳
唾成珠璣生平風格狎林藪垂老跼踖留京師
宿望由來繫朝野屢疏還山未有期使還相見
一撫掌請翁和我華山詩

東湖書院爲吳亞卿獻臣題

大雲山中泉一注東湖先生讀書處先生胸次
迥出塵山中草木皆真趣讀書豈徒事鉛槧
時事業于茲具試出緒餘售于人要使蒼生盡
陶鑄平生苦節甘若飴妻子不免于寒飢遇事
直前無顧忌終遭坎壈蹈危機達生委命寧自
悔萬里生還天所遺山中茅屋依然在洞雲江
月副心期

會盟臺

羸秦日肆虎狼威約趙西來會澠池相如登壇
奮怒髮呵叱秦王如豎兒長平禍胎從此結區
區擊缶亦徒爲會盟有臺今寂莫夕陽蔓草封
殘碑

奉候林見素都憲平蜀寇致仕

洪都通驛使廬岳候仙舟一水遙相望羣山獨
對愁交情憐白首歸興憶滄洲身退功成日川
江正急流

二

國步艱難日 天書趣赴時
金牛新戰壘 白帝舊城池
羽檄申嚴令 饒歌雜雅詞
乖崖留像處 聊慰蜀人思

三

幕府功頻上 騷壇興每登
江搖青嶂影 樹入碧雲層
陣法依諸葛 詩篇出少陵
蒼厓看墨蹟 長憶漢中丞

過同年胡伯鍾家留題

別離經十載 今雨到君家
村徑斜穿竹 江流曲

擁沙魚肥翻細網 莧美摘新芽
契濶談無盡 宵殘更煮茶

題陳山人所居

山居成小聚 野戍襍畊屯
雞犬時登屋 軒車少過門
高春含暮景 芳樹漏春痕
風物居然別 桃源何處村

江行卽事

府江江水惡 一歲九經過
近午霧方散 中流石更多
漁樵荒舊路 豺虎據深窩
最念沿江戍 天

寒獨枕戈

月峰寺次見素韻送陳惟濬正郎時謫戍
過此

溪聲寒滴滴峰影晝沈沈落日孤臣淚疎砧故
國心江村竹葉酒野寺木綿衾邂逅緣非偶山
川幸一臨

送洪商臣出鎮水寨

多少年英畧提兵羨此行柁樓明海色鞞鼓震
邊聲浪沒鯨鯢窟雲開鳥隼旌梅峰清夜月應

照水西營

野望

病告捐微祿官閒帶舊銜提携惟藥裹懶漫廢
書緘海濶浮孤嶼天空挂一帆吟眸隨處着秋
色滿衣衫

雨不絕

薄晚看晴色中宵復雨聲踈鐘京國夢孤燭異
鄉情岐邑勞供應關山斷送迎行藏信天道不
必問陰晴

歷代詩選

明鄭汝華

次集卷一百

十三

四

過沛縣

破屋浮波面輕帆繫樹腰歌風何慷慨擊筑竟
蕭條故里英魂戀荒臺霸氣銷向來湯沐地無
處問漁樵

野宿

浹旬長苦雨今夕月生光影動晴峰雪寒凝碧
尾霜盤殮羅野菼雞犬靜村莊重引還山興題
詩寄草堂

春日泛舟木蘭

南郭曉初霽維舟曲岨傍踏青林莽淨修禊水
雲長汀霧晴猶濕潭花落更香木蘭知不遠漁
唱隔滄浪

秋夜感懷

悄悄空庭暮啼鳥集于城疎燈懸夜雨落葉散
秋聲遁跡元無累憂時獨繫情何當逢北使款
語及昇平

春日梅隴書事

步屣仍扶杖拋書獨凭欄凝煙迷野望積雨釀

春寒麥隴抽新綠花枝綴渥丹韶華不覺換猶
作去年看

九鯉湖

擁被宿雲館神清夢亦安水聲喧夜雨山氣挾
春寒簷箔明星度溪薈白露團神仙隱名姓厓
上浪尋看

贈方文玉左轄南還

榜下人還幾天涯意倍親因君謝塵鞅復此歎
參辰戎務時參畫軍興屢算緡江湖平劇寇越

雋拊罷民祿秩承三錫封章見屢陳客途方雨
雪故國尙松筠潮汐門通海清輝月近隣山僧
遺紫笋漁父薦纖鱗觸事情俱適無爲俗轉淳
穀齋諸老在結社繼前人

過嚴陵釣臺

漢室中興日賢人願仕時先生獨不屈此意竟
誰窺文叔差增舊君房亦素癡謀謨先已定仁
義此安施卽欲助爲理尤宜自得師詔書勤遠
訪諫議處仍卑志士寧相逼高賢不受羈羊裘

終隱去魚釣可忘飢炎祚噓重燄桐江繫一絲
雲臺俱泯沒嚴瀨自清漪遺廟松株古蒼崖壁
立危扁舟歸老客悵望讀殘碑

贈崔都閩移鎮廣東

驛騎傳新報除書出尚方嶺南移節近薊北望
京長蜃氣浮城櫓霜花拂劔銘閩嚴施畫戟權
重握銀章寇壘逃官責軍功曷戰場豈能窮窟
穴徒爾費芻糧買績心銷盜畱田足破羗從來
邊徼地籌畧在兵防

送邵主事督餉還南部

曉風吹浪滯行舟天與龍沙一日畱千里轉輸
勞使節三山繚繞望神州江搖滕閣煙光晚霜
落吳門草樹秋射矢投壺誰妙手任拚全醉解
離憂

贈同年徐必東調官貴州經憲

黃鶴樓前繫短橈離魂湘水不須招雲連魏闕
瞻猶近路比匡州去未遙一雁叫霜天欲暝亂
山隨馬凍初消河橋欲贈無楊柳獨有松枝最

後凋

寄贈彭元岳僉憲致仕

覆鹿悠悠夢已醒
移文深謝草堂靈
蓮峰徑遠來求仲
木榻年深坐管寧
竹杖謾扶頭未白
家山慣見眼猶青
茅齋靜閉橫塘上
還把餘閒注鶴經

宿高良山和趙栗夫提學韻

一徑紆迴萬竹深
招提隱隱獨追尋
溪山是處供青眼
猿鶴他年識素心
巖陡樹枝常倒下
簷

虛峰勢只平
臨客途荏苒春
將暮坐對鶯花憶
故林

寓建寧玉清觀次楊恒叔太僕韻

窗懸石溜徑浮沙
洞裏神仙別有家
玄圃開雲深種玉
丹崖向日更移花
天垂碧野千峰遠
路隔紅塵一水賒
昨夜殷雷送山雨
半溪新漲浸紅霞

訪玉清觀道士祈雨不遇

方舟亭午泊溪沙
杖策重尋羽士家
池澗已荒

書帶草庭幽還見木犀花松壇乞雨歸應晚竹
屋留詩興獨賒虛閣疎欄宜晚眺溪光十里映
晴霞

送馬善徵致仕還吳

君去洞庭何處住海門迢遞接東甌湖田歲熟
收粳稻煙渚秋高弄釣舟謾說孔明無將畧早
知若水是仙流浮生萬事何時盡都把閒情付
白鷗

一素亭和見素韻

千卷儲書作墨莊夢隨春草到池塘涓涓碧井
分仙社面面青峰隔女牆丹桂燕山多異種金
砂樵谷有遺方接離倒着閒臨水照見鬢髮
影長

詠淖泉

淖泉飛泉玉雪清決渠疏引入秦城民居萬戶
沾餘瀝客邸三秋解宿醒雲物映來多異態年
光流去不停聲臨池具盞杯中醪浪跡乾坤一
聚萍

送陶司馬南京參贊

纔解計臺朝 北闕復司留
鑰赴南都成周召
伯嘗分陝晉代陶
公亦鎮吳萬里長
江天共險
六朝遺跡草空蕪
廟謨方爾資黃髮
莫羨扁
舟范蠡圖

過聖壽寺午憩

冲沁溪頭泊釣舟
並騎羸馬訪山遊
松簷長宿
三春雨麥隴初登
四月秋地僻安禪
僧欲定時
平擊壤我能謳
悠悠萬事渾無盡
瓜熟青門有

故侯

隴州阻雨

幽窗扃雨一燈明
獨宿空堂此夜情
隴道寒深
雙鬢短閑山路險
寸心驚天連絕塞
風煙色秋
入荒城鼓角聲却
憶馬周投逆旅開
樽寂莫對
誰傾

過岐山

兩行終日雨冥濛
隱約岐山入望中
周室餘民
猶穴處雍郊舊俗
重農功遠離狄難
思今日肇

歷代詩選

明鄭汝華

次集卷一百

七

十

歷代詩選 明倫彙編 家範典 卷一百一十五
造王基自古公鳳去桐枯何足問離離禾黍起
秋風

過汧陽

濕霧經旬淹白日晴峰今日倚丹霄頽坡荷鍾
開榛徑缺岍橫槎接野橋玉節北來鴻信斷金
城西去馬蹄遙汧陽縣郭居人少風露高秋夜
寂寥

奉贈蔣師相敬所致仕歸湘源兼柬令兄

大司徒一首

力辭機柄遂歸田朝野相看意惘然直節舊嘗
稱宋璟抗言終不負伊川三孤望重台階正八
座官高棣萼聯相業都歸嘉靖詔他年信史有
遺編

送朱必東侍御還莆

仍着初衣返故林肯身真不愧南金片言悟
主情尤切萬死寬 恩幸亦深更向一貧看壯
節那容暫蹶負遐心白頭鄉國慚無補却藉多
賢振好音

歷代詩選

明卿汝陸

次集卷一百一十五

下

十

贈王時行赴任東廣兼柬吳獻臣方伯

晴莎細草馬頻嘶極浦荒煙眼欲迷野曠推蓬
山色遶天寒度嶺野猿啼五羊分署行新詔九
鯉尋真記舊題爲憶東湖諸舊侶一區雲水足
幽棲

經武夷阻雨不及遊悵然有懷追和舊作
武夷九曲慣曾遊暮雨危灘阻去舟雙眼迢迢
雲外望羣峰宛轉意中留棲遲講道人應古汗
漫尋真事却幽不用登臨恣清賞胸中元自有

林丘

憩常思嶺用壁間韻

常思嶺上駐征輶三日歸程覺尚遙衰疾久懸
鄉土夢迂踈無補 聖明朝石巖雨過雲猶濕
海國秋深草未凋願得四封無一事不妨高枕
卧山椒

簡姑蘇陳粹之憲副

吳苑鶯花滿舊墟先生翻笑出無車一官棄去
還憂國十口飢來只賣書短屐香生莎逕暖疎

歷代詩選 卷之五 送劉克柔之任南鴻臚
欄雲俯草堂虛匆匆登拜慚予晚更報詩筒候
起居

送劉克柔之任南鴻臚

鍾山葱鬱鎖晴嵐拄笏登臨路舊諳纔見陸機
來洛下豈容太史滯周南畫船風送牙檣疾碧
碗冰浮紫藕甘典客空庭無一事詩中三昧許
誰參

寓蘇州送張文相宰潮陽

十年朋舊歎辰星邂逅他鄉眼倍明風雪吳門

三日話江湖魏闕百年情亂山雨色連鄉郡列
宿晴光動海城到日潮陽春正好綠陰羸馬課
農耕

司徒劉近山邀造別墅之土樓蓬蒿塞徑
時有高二尺五之嘲因贈以詩

誅茅南郭託幽棲簇簇煙村路轉迷故隴松楸
山下上豐年禾黍屋東西高官歸第貧如洗速
客看山醉似泥韋曲去天元尺五旁人休笑此
樓低

蘭州聞見素致仕用韻奉寄二首

手疏連封乞引年夢魂先遶八壺巔雲莊歲晚
還移竹蘭水風清欲放船遠別無緣臨潞渚獨
遊何意向秦川老臣去國丹衷在指點星河幾
廢眠

綠野依然一草亭焚香讀易意醒醒 九重殊
遇憐衰白八座高名照汗青道在行藏敦士習
身猶矍鑠訝仙靈煙霞舊侶他年約拄杖臨滄
再勒銘

德州遇王時行大叅夜話

十日行舟離 帝里茲宵秉燭對鄉人足音何
齋聞空谷星彩還應照近隣賈傅早能輕利達
范公元亦起孤貧迂踈老我歸林壑竹望來賢
意最真

夏日林以吉中丞過訪梅莊

靜對青山日轉遲多君枉駕話襟期午炊送米
城中至露坐傳杯月下移數畝退耕開曠地十
年歸卧太平時人生止足真堪樂蝸角輸贏總

不知

和李貳守題梅隴山莊韻兼以道別

旭日郊原散暖煙
津津物色入新年
溪環崎曲數家住
春到梅梢十日先
洛社潞公還地主
草堂嚴武有詩傳
驪駒無那攀轅別
北望心懸萬里天

九江分司題岳武穆故宅

石甃方池幾百年
岳王遺宅世猶傳
格天高閣今安在
葛嶺荆榛野雉眠

蘭

短葉疎莖雜野蒿
不隨清廟薦溪毛
白頭空谷幽人老
夜雨篝燈讀楚騷

菊

斗絕孤崖倚碧空
秋深煙雨寄芳叢
林坳寂寞誰相問
千載心期栗里翁

夏日山中雜咏二首

隴上新開百荔莊
交枝接葉覆茅堂
青林結實殊稀少
應笑山人歲計荒

歷代詩選
荒郊無雨再經旬豆葉禾苗赤色新宴坐樹陰
猶覺暑田中更有踏車人

汝寧道中遇雪呈蔣升之太守

畿甸一冬愁少雪飛沙滿地麥苗稀黃河南渡
春猶淺始見郊原白雪飛

過洛陽故城

伊闕山高伊水清洛陽形勝舊曾名累朝遺跡
今俱盡斷塹荒郊久廢城

過貴溪風雨暴至

溽暑蒸人一洗空碧天遙影見歸鴻圖書小艇
無官况落日溪頭狎釣翁

草萍驛

蕭疎驛舍繞煙蘿二十年前此地過詩壁舊題
無處覓植松庭外已婆娑

度分水關

計偕當日此攀躋曾有狂詞嶺上題治策山
成漫語千峰秋色夕陽西

登舟

常山與馬玉山舟客路驅人不自由却羨江邊
幾家屋柴門斜對白鷗洲

附鄭汝美

字希大閩縣人與鄭山齋全癸丑科進士

遊石鼓山次韻林見素都憲

石鼓啓宿霧高峰亂攢青長江走其下五虎障
東溟金濤萬頃翻扶桑日初出鼇極巋然存古
今亦倏忽全閩稱一絕斯言良不虛華夷大界
限此鎮爲之樞如幄老豫樟培植有年歲何限
明堂材岩阿與山背無諸事如何吾欲問崩崩
霸業釣臺荒桑田海濤白

過建昌嘲舒太守

夙慕麻姑山不在麻姑酒東道有賢侯况是舊
僚友登臨興浩然未果誰掣肘分司御史來駐
節日已久坐此廢清游伊誰執其咎桃花空有
源雙練亦徒瀏俯仰天地間良會豈常偶莫遣
愁上眉難逢笑中口縱惠酒千鐘何如詩百首
解纜重開頭推蓬頰執手

寓宣府公署

歷代詩選 明 吳白浦 卷一 七
征旆臨沙漠何如傷 帝居重裘三伏備輕騎
幾時無夜柝隨風急秋砧與月俱安邊須上策
肉食可能圖

悵望

山色秋來瘦溪流雨後狂何人賦搖落有客詠
滄浪幽谷千年雪邊城六月霜奔馳淹歲月回
首憶吾鄉

見燒荒偶成

北口開關日東曹按節時似頭蘇武洞側目李

陵碑火烈豺狼遠風寒草木悲長城須將相卓
彼古人知

中秋寓西湖山莊雜咏

今夜中秋好孤吟文會堂湖光和月靜風氣帶
荷涼寺近鼓鐘響林深鳥雀藏貪遊過子夜玉
露濕衣裳

晚泊沙港時風雨大作

棹繫三餘港雷驅萬里風石虹迷隱見玉馬失
西東雨脚穿窗急溪流拍岸洪眼前無限景次

歷代詩選 目錄 十一
第送詩翁

過采石

李白騎鯨處扁舟幾往還無詩酬采石有淚對
青山玉殿恩初斷金鷄詔未頒詞林猶仰止樓
閣俯江關

晚發城西

西城斜日去舟下水南涯潭面開銅鏡灘頭滾
浪花雲葭栖鳥樹月照浴鷗沙試問太平驛前
村路更賒

宿慈源寺

駐節慈源寺春光付水湄野花爭點點竹自
滴瀟灑靜青山好心閒白日遲鯨音驚鶴夢飛
動萬年枝

感懷題黃鶴樓別意圖

今古崔公句乾坤黃鶴樓晴川開醉眼芳草長
離愁客散雲埋樹詩成月在舟白湖歸計遠莫
說別來由

暮泊金口驛

金口維官棹風微五兩輕歸鴉投樹急返照入
窗明江上漁歌起磯邊驛使迎回峰山下寺卧
聽晚鐘聲

夜泊魚山驛

蘆洲浮霧翠麥隴拂雲黃楚棹三江遠川流萬
里長龍潭晴亦雨魚澤夏還涼風度采蓮曲誰
家遊冶郎

登岳陽樓阻雨

駐節巴陵道風狂雨似麻楚天紅日隱衡岳碧

雲遮戶浸迷青草長空舞白沙茫茫天一色吾
欲泛靈槎

冬日謾成

寒夜不圍爐霜威幾裂膚銜杯猶未暖擊柝豈
能呼千里關河凍三邊戍卒孤老天有何意不
早放金烏

與方岳諸公登萬歲寺塔

萬歲千年塔羣公此日登宿雲開遠岫斜日照
諸陵白鳥巡簷慣清風送客曾海門如只尺狴

雁行詩選
卷之四
十一
猗見蛟騰

送蔡僉憲入賀

畫戟森征旆琅函捧表章西關離席促北闕去
途長丹荔迎風落紅蕖帶露涼溪肥連日雨樹
瘦隔年霜吏散空庭靜夫催伐鼓忙郵供行路
廩纜拽上灘航寶劔懷三尺瑤琴撫一張皇明
歌有道 聖壽祝無疆

題西湖景

西湖勝景出塵寰此日披圖一破顏勒馬呼童

沽綠酒移舟隨意看青山蘇公堤在人爭仰逋
叟梅開鶴自還試問南朝多少寺莓苔煙雨總
奇觀

次林見素得告志喜韻

壺公作怪漫須論一劍曾聞請 帝閣解組疏
能回殿陛化衣塵不到山村花間蝴蝶頻來枕
江上鸕鷀久候門忙在青山閒在史可能忘却
野人暄

乙丑冬奉 詔進階友人林利光有詩賀

因次韻荅之

半竿分釣白湖濱
眼底誰憐踈遠臣
自是 聖朝無棄物
却令寒谷有餘春
菊開處處堪招隱
梅發年年不問新
廊廟江湖憂樂共
希文訓在久書紳

冬至述懷

曾臺雲物望今辰
誰識乾坤第一春
萬卉跡潛生意後
六葭灰動化機新
楚狂未許歌衰鳳
孔聖何須泣獲麟
道長正爲君子喜
梅花索笑短

簷巡

題寺中蘿蔔船

不見山翁斧鑿痕
青絲爲纜繫空門
輕帆背日抽新葉
短楫搖風長舊根
欲度浮生歸佛海
懶隨漁父泛仙源
江湖滿地乾坤窄
畱與詩僧載四恩

夏夜宿葉源頭極高明樓因憶謝家諸昆

玉

炎天夜宿故人樓
八面湘簾總上鉤
月照梅花

光似晝風生薤葉冷于秋幾番好雨償深願千
里停雲憶舊遊要識高明何處極高山流水寂
無喧

題寄寄亭次西涯先生韻

蕩蕩乾坤托此身百年風月肯留人雲山鳥外
常爲主花竹亭前不記春碑坐石龜文字古松
巢野鶴往來頻官家歲月真如寄清興還輸草
莽臣

過江州

征帆此日過江州蘆荻花開滿眼秋行部無心
重駐節同官有約共登樓人情土俗驚新換月
色江聲憶舊遊一笑相逢還有幾且須沽酒作
詩鉤

紫雲河下會楊憲副口占誌別

客邊懷抱殊岑寂樽酒逢君喜若何世事憑誰
披宿霧宦情于我等秋波丹楓霜早初堆地白
雁天寒已渡河他日纔思相會處紫雲溪上暮
雲多

暮泊金沙

客舟薄暮宿金沙詩景無邊興不賒
瓦屋木標官長鋪篷窗草戶野人家
溪頭邀月新栽竹隴背開雲舊種
瓜試問居民何所事漁樵耕鑿足
生涯

過分水關

使旆飄飄道路長山行忽遇小春陽
立冬前日還秋令分水關頭卽故鄉
鳳闕峻嶒紅日裏龍峰彷彿白雲
傍男兒大節憑誰是一樣君親兩

着忙

和黃鍊橋遊鼓山韻

萬丈巍于五丈原懸崖怪石絡松根
尋真雲踏屐千頃寫景詩鈎酒一樽
人憇半山亭有扁茶供上國寺無
園鍊橋未盡登臨興回首斜陽射
石門

登城懷古

官柳猶遮舊女墻角聲孤起送斜陽
英雄百戰成寥落吳楚中分半渺茫
寒雁叫羣悲塞遠暮

送代詩選

月都白胡

次集卷一百

廿三

四

歷代詩選 明興日流 十三 二頁七
江流恨入雲長古今天地誰非客何用登臨倍
感傷

歸田次韻林南澗都憲

舊卜江南十里山此中塵事了無關新詩滿眼
堪撩興畏路何人不道艱平素寸心緣國赤從
今兩鬢爲詩斑白湖也有垂綸地何日相煩過
碧灣

五鼓發口上閩野哭

俯仰堪嗟一黍形征驂又動五更鈴栢山月落

烏啼歇松嶺雲橫鶴夢醒何處人聲看不見誰
家婦哭去還停潮河近日渾流血此口還聞水
氣腥

次韻程蘭峰至日對菊

乾坤此日復初陽猶見黃花對雪霜晚節偏于
長至好寒英獨傍短籬芳分來西苑香尤迥移
向華筵興更長歲晏相逢歡欲舞滿頭插罷動
詩狂

贈黎雲上人

歷代詩選

明興日流

次集卷一百

廿四

四

誰云惠遠德過人今見梨雲更絕塵花鳥有時
偏得句茶瓜無日不畱賓獨探佛印前三語無
負黃金丈六身欲傷招提聞法要紅塵隔斷若
參辰

西湖山庄雜咏

路入西湖分外幽遠山近水接平疇無端舍北
蕭蕭樹不盡橋西淡淡秋高閣吹笙來獨鶴晚
坡橫笛喚歸牛采蓮一曲空山月風露分涼上
玉樓

次林都憲秋日閒居韻

閒來無事不開門看竹尋詩過小園秋水賦成
潮未落寒山鐘動日初昏瓊宮芳桂遮青女金
井飄梧挺碧孫屈指眼前誰是伴白湖亭上菊
花樽

次西臺三公遊鼓山韻

日照平林花雨乾春風勾引上層巒靈源雲隔
深探入古碣苔封細剔看山閣凭來甌粵近石
門開處海天寬浮生此日非常有好寫新詩記

合歡

樵陽道中卽事

使旌遙度白雲隈
眼底新詩馬上裁
霧重林深疑見雨
灘高流急誤聞雷
溪邊水鳥雙雙語
路畔山花朵朵開
底事鵲聲頻報喜
城中應有故人來

黃州寄曹太守

地連雲夢面江滄
爭說齊安景最奇
赤壁磯寒潮落後
黃岡山暗客過時
竹樓舊見王公記
魚

笄空吟蘇子詩
寄與同袍曹刺史
登臨毋負再來期

劉阮再往天台不見仙子

自返塵蹤憶玉真
仙源重到隔紅塵
桃花流水迷前路
白石清泉失舊鄰
幾片閒雲封古洞
數聲啼鳥怨殘春
怪來妃子情殊昔
羞見人間薄行人

寄題叫崑寺次韻歐陽祿進士

詩成僧未歸
興盡吾欲去
孤煙生遠村
新月挂

高樹

擬閨懷次韻

不寄平安書鱗鴻定無便夫婿別時容長在夢
中見

落葉階下滿鴛鴦冷羅幃青霜催白雁雁歸人
未歸

一夜九迴腸起來倦梳沐不分雙燕飛銜泥污
我屋

武夷四曲用考亭韻

金鷄唱罷月生寒四面題詩石上看洞裏仙人
今在否白雲常伴夕陽殘

聽吹笛

楊柳蕭條秋色淡武夷屈曲水源深數聲吹落
關山月應有胡兒淚滿襟

書所見

蕎麥花開蛺蝶飛香杭蕙重雉雞肥樵童雲裏
挑薪去牧子風前弄笛歸

過江州琵琶亭

香山居士販商妻人物何勞細品題一曲青衫
雙淚濕乾坤漂泊共東西

夢入桃源洞

昨宵飛夢入桃源洞裏桃花似故園昔日避秦
人不見月明雞犬鬧孤村

題畫菊

春榮夏茂季秋香晚節還能傲雪霜不見東風
桃李面幾竿脩竹伴孤芳

綠野春耕

郊原生意動津津百室秋成在早春時雨一番
啼布穀隴頭多少戴星人

晚歸口占

鳥宿僧歸日又曛馬頭衝破萬重雲前途不遠
人家在風便雞聲隔岸聞

晚眺口占

無數歸鴉返舊林斜陽流水意沈沈一聲牧笛
人何處滿眼寒山晚翠深

題漁家樂

長空澹澹一江秋
釣罷歸來已繫舟
獨坐篷窗何所事
眼看飛雁過滄洲



國家圖書館, NATIONAL CENTRAL LIBRARY, TAIWAN, R.O.C.

石倉十二代詩選

明次集卷一百一


戒菴集

大明

丹徒靳 貴著
後學曹學佺閱

讀史有感

聖王御神器發政先施仁井田給饗殮雞犬供
晨昏父母視赤子寧忍一夫貧囹圄竟空虛良
用教化淳後人戴黃屋理道遂因循刀筆吏作
相法律勞心神民始自生息貧富誰為均犢獨
尤可憐糠粃度秋春一飽且不遂七尺安能珍



豈不愧爲盜飢寒誠逼身縣官弗矜恤法網仍
逡巡彼民何獨辜展轉秦復秦撫卷歌康衢永
懷陶唐民

和張司馬仲湜韻送工部梁主事叔永還

南京叔永厚齋閣老之弟子辛未門生
嶺南人物孰與京虞廷鳳翥非鴻征未論甲第
多豪俊且說君家好弟兄君家年少今阿衡三
年不見荆花明池塘得句仍同被江海聞訶正
濯纓政成書最誰爲首我亦嘗叨稱賀酒德星

午夜聚台垣太史占天曾見否風光莫戀雨花
臺玉京未必多塵埃試看少傅登庸日也自南
都奉詔來

題盤車圖和涯翁韻

兩車渡河河不流寒燿壓雪茅簷浮千廂萬斛
藉一牛牛力不健吾農愁前輓後輓來山丘何
人劇飲醉且休中朝有道百度脩西羗北虜咸
願畱妖星不復明旄頭太平處處無干矛吾聞
民樂生于憂幽詩七月聖所收誰哉圖此呈龍

歷代詩選

明華文庫

樓

築城謠爲何石首浹作富城卽石首也

朝築城民爭馳暮築城民忘疲朝朝暮暮聽指
麾役民之力民不知倏爾百雉臨江滑盜不敢
問矧敢窺何令尹來何遲昔無食今有魚昔敝
袴今錦裾富城城名不虛岌岌鐵不如千秋萬
歲奠我居

送歸德太守張信卿詩

黃河之水天上來孤城歸德當其災耄倪往往

化魚鼈官府處處生蒿萊水頭低者已十丈俯
視城中翻若杯產鼃沈竈乃常事此民此地真
危哉城邊父老泣相語黃河之水有時去爭如
官吏險于河暴斂強征誰敢拒鬻男質女尚催
科平地黃河可奈何黃河不治民不死若治黃
河死更多傳語州民莫怨煎新來太守才且賢
豺狼斂跡河伯遜行見擊壤歌堯年

宿河西務

兩宿河西務離心日幾回望凝天闕近門訝使

歷代詩選 卷之八 三
車來寒氣着人薄晴光向客開明朝須早發
馬上海臺

贈王君秉哲出宰耒陽時子大化解元方

游南監

雙鳧忽飛去天際羨王喬客坐青瑣舊賢關
玉樹遙湘流環古縣山色入層霄佇見鳴琴日
絃歌樂事饒

壽王翁守愚

故族推嚴父名鄉得大賓桑麻三世業花鳥一

江春老健何煩杖安居不問津神仙元有種子
晉是何人

夜與孫九峰吏侍論丘深菴太學故事慨

然典仰乃用壁間黎太僕先生韻贈孫

空庭坐秋夜茅塞賴君開酷暑何方去秋風此
又來口碑真勝石心醉不緣杯雪掩深菴冷誰
當爲育才

席上飲沂姪酒

瑞雪從天降歡聲動地來朔風猶臘鼓和氣已

春臺玉樹層層起瓊花細細開甕頭三白色與
爾且銜杯

送蘭孝先還廣陵

正好論心又欲行江風不盡別離情十年交誼
推平仲一郡才華重長卿樹遶帆檣隔瓜渚天
低睥睨見蕪城相思有意君知否九曲亭前看
月明

同顧德光陶公輔飲唐良伯一泓清可軒
夜歸作

清可亭中待月遲風光疑是影娥池一尊興與
陶元亮三絕人憐顧凱之華燭搖心分暝色薰
風吹爽入吟髭歸來不盡追陪意夢裏猶賡席
上詩

舟至河西務喜而有作

蘭舟綵纜百夫牽帶月衝風路幾千自計迂踈
成底事敢圖溫飽愧前賢千峰侶逐孤帆轉一
水能隨曲岸旋誰道禁城猶百里寸心先倚五
雲邊

小傳見托冗未果作詩以謝之

文逋朱謝苦君煩祗爲踈慵獨負言管仲舊勞
知鮑叔朱清自合傳宗元藥爐夜靜窺丹母竹
院春暄數鶴孫還憶江頭爲別處淡煙斜日水
雲村

壽楊碧川先生叔母

萊妻陶母任稱賢曾偕夫人樂事全地隔蓬瀛
才一水眼看簪笏已三傳兒童也解歌麟趾天
地從教醉鶴年好釀碧川供壽酒南薰歲歲醉

華筵

送盛秋亭兼柬吳克溫

趨庭有夢天應覺故遣東風送畫船冗我尚逋
端友詠祝君頻寄惠山泉松窗滴露臨蘇帖月
榭分光校楚編間過義興吳季子相思煩爲道
懸懸

和王守溪先生獨居寫懷

退直鑿坡日已昏晴天月色照朱門離愁正自
憑詩遣清樂終難與衆論望重調羹歸未遂情

深陟岵夢猶存何當載酒春風坐暫借青瑣半
席溫

送吳君還宜興

才到京華便欲歸野人元不慕輕肥張公洞口
鷗羣集揚子江頭鶴子飛白首最宜藤竹杖紅
塵難澣薜蘿衣却思彈鋏歌魚者俛首依人果
是非

送劉衡仲知濬縣

朔風寒日送君行翻覺春陽滿旆旌吏事太丘

應有諧文章小宋亦知名天連北極郎星近地
入中朝故俗更不獨乘駟膺召易頌聲先喜慰
難兄

碧渠詩爲李君宗朝賦

白雲深處有山庄分得滄溟入小塘水面雨翻
菱葉亂門前風送稻花香竹牀不作勞生夢石
枕惟藏種樹方愧我素殮無寸補明農何日共
徜徉

用涯翁韻贈國儀

盟在雞壇未忍寒世情翻覆見交難椒花生菜
他鄉會桑梓松蘿舊日歡青眼相逢惟子在素
絲無數許誰看遙知五馬行春地花滿江城月
正團

沙道中病足劉美之約今年携酒問之以
喉痛不赴戲柬

下堂君已無憂色辟穀吾非學異方難覓醉鄉
嘲跛履且憑毛穎話中腸合簪此日真無分高
興他時尚可償漫有尊前好風景已將詩力讓

劉郎

送仲與立

暫違仍擬叙陳雷忽見新除事可猜驛路蕭條
憐遠謫離筵落莫愧遲來易明任是遭無妄政
美應教誦有臺不久定知還賈誼別情雲樹自
難裁

使節還鄉爲丁應韶主事作

手持綸綍過庭聞忠孝如君兩不違負弩漫勞
誇漢節稱觴先喜着萊衣胎禽引子排雲下老

鳳教雛向日飛莫道簡書催又別北山猶勝未能歸

用前韻雨中紀事

天公應是起潛蚪故遣風雷振六幽匝地雨聲
喧水國漲天雲氣失江樓坐妨雲務憂田父徧
禱神祠走郡侯頓掃頑雲回日馭令人却憶段
公游

寓仁濟庄贈何竹逸

竹林鶴髮翁迂我南山下把酒對澄江相與說

禾稼

寄錢君宗胤

我在紅塵君碧山漫無音信報平安知君不是
忘情者却爲情多下筆難

寄水西唐居士

十畝青山萬頃田春來時放米家船鳳毛更在
雲霄上何用蓬壺別問仙

題淵明對菊圖

栗里風光別後詩清樽獨詠晚香時折腰欲問

歸來意只許東籬老菊知

朱

諫

字君佐
永嘉人

趙澗邊葉丹厓在雁山未回詩以寄之

老懷絕馳驅閒居少來往枕石松下眠步履林
間響携農看芳田喜見稻苗長種秫既有秋此
外復何想意逐浮雲去隨君到空山興劇足力
疲不能強躋扳去爲十日期期盡君當還幽齋
倚脩竹遲爾論金丹

趙雲溪白扇

我作滄海遊曾到鮫人室鮫人織素納惠我盈
一尺製爲合歡扇清風生兩腋不見馬上塵意
與林泉適北窗伴高眠微涼動衾席何物最相
宜獨有謝公屐兼之上翠微可以周八極

短簫鏡歌

天子用虎臣敵愾建奇績委身守四夷四夷皆
辟易歸來賜彤弓醉酒兼飽德綺筵羅金殿簫
鼓沸雲日同心發和氣歡聲自盈溢咸願竭股
肱干城効微力

寄趙雲溪

今日若耶溪不見採蓮女但見蕩舟人獨坐孤
篷底放歌越長風餘音逐流水一曲歌未終白
日落西海紅顏不再妍青春豈長在蓮花空自
開溪聲終不改

漢世有道士將貝多子種于嵩山一歲三
花色白而香蓋仙種也

外域貝多子一年三度花花開如白雪皎皎當
仙家鶴背致嘉種麻姑分露華托根嵩山下匝
地生金砂我欲居少室操瓢飲流霞三十六峰
前來往隨雲車醉卧三花下與世隔喧譁

秋水鴻鴻圖

古石斑斑簇紋蘚樹葉蒼蒼着秋淺鴻鴻沈浮
水氣涼桂花散落天香遠年華易謝秋易殘傷
心不獨凋朱顏宋玉如今已塵上空有辭賦留
人間秋鳥向人鳴秋花促人老商聲下林端金
風剪芳草杜陵詩興知若何愁緒如絲亂懷抱

贈黃萬峰

大山若遊龍蜿蜒直落蒼海中小山若奔馬遲
迴蹴踏青雲下會稽分支到天姥雁宕盤根接
玄圃丹丘仙人居紫崑玉液金砂映窗戶淡淡
松竹陰日與紅塵遠悠悠杖屨間安知有軒冕
柴門不聽車馬聲春風滿地黃鶯鳴門前芳草
倚天碧酒壺自對南山傾

桑下雉鷄圖

華蟲刷羽驕春陽雄飛呼雌下山梁灌木叢花
動顏色錦雲爛熳呈天章朝飛不見牧犢子悒
琴誰復諧宮商何似中牟得春暖馴行啄食依
柔柔高墉一射呈餘巧繁弱漫誇弓力強雉子
斑傳畫工筆畚思往事皆塵迹

遊雁山與橋姪

天柱峰前多古木芙蓉菴下仙人宿春風吹落
碧桃花子規啼裂山頭竹十年來往龍湫上一
兩芒屨一枝杖飛流千尺落深潭白雪紛紛洒
青嶂白髮看山愁日短好景招人及春暖我家
小阮帶青錢提壺又向花間轉老夫樂事在天

歷代詩選 明倫彙編 家範典 孝行典 卷一百一
三
倫人間此樂方爲真

乘槎圖

仙人御風行萬里九土茫茫盡煙霧張騫有術
却乘槎飄然直上天河去順流更欲下崑崙霞
衣又拂三株樹莫將勝事論有無直對芳樽詠
佳句

江村卽事

江頭拳石穩且平水光不動江無聲沙頭細草
樹陰密白鷗自傍沙邊行野色萋萋及春暮浮

雲片片隨風生老態踈慵厭塵事釣竿且復尋
滄溟

憶雁山梅雨潭

老樹龍葱染春碧煙霧濛濛羃高石山人愛
梅雨潭葛袖芒鞋喜沾濕懸河一道從天來搗
崖砢石如奔雷風迴電轉忽飄散細如洒雪輕
如埃波光日影遠相盪彷彿煙花吹復迴銜杯
仰面坐莓苔貪看未盡日已頽深流自在白髮
催念之不覺令人哀

明月海棠圖

太液池邊月欲墮海棠花下楊妃醉月照金閨
春夜長花近玉闌嬌欲睡東風淡蕩沈香亭花
間恐有流鶯鳴玉笛聲隨落花去月明不見牽
牛星玉人已去春無主御溝春暖空流水舊時
明月空自圓花若含羞向誰語

漁村晚照圖

落日遙遙江水綠一葉扁舟當華屋漁翁生計
等浮漚醉來每向滄洲宿野店炊煙暮高樹罷
釣收綸且歸去蒼鷗汎汎似留人逝水無情向
何處世人皆巧我獨拙鼓枻清歌日光沒磻溪
舊事總不知手把深杯對明月

聽呂秉建彈三絃

三絃本是胡家樂誰與流傳到南越清歌妙手
坐繩床午夜高樓對明月初聞環珮鳴仙子空
中行綵雲吹未散羅襪香塵生忽如猛將馳甲
兵萬騎鐵馬相縱橫塞旗直出玉關道瞋目叱
叱龍沙亭悲來轉作戍婦愁關山月照塞草秋

雁度瀟湘惜孤影猿啼三峽澄江流劃然一聲
震高木子規啼裂山頭竹銀河倒翻析木津天
孫似向樓邊哭山中秋氣如水涼非此何由慰
幽獨君能洗我冰炭腸邀君且就樓中宿絃停
月落簾半垂童子燒茶茶正熟

題章千峰畫竹

千峰道人畫墨竹瀟湘虛映君山綠孤舟半夜
錦瑟鳴絳雲欲斷江妃哭竹枝裊裊青接天湘
南湘北皆春煙昔年我作上游客吹簫月下開
樓船歸來不覺成白首舊日竹枝還在否蘭香
兩岼鷓鴣啼亦有遊人來載酒千峰叟不獨會
題詩亦擅丹青手雁宕山頭千萬竿請君寫意
憑高阜貌我同爲歲寒友

芭蕉美人圖

何處飛花減春色一葉芭蕉轉深碧薰風窗下
似酒濃玉顏一醉嬌無力芭蕉正好窗下看翠
眉掩映憑欄干莫遣西風剪梧葉滿庭白露生
清寒君不見玉環舊日看牡丹玻璃進酒君王

歡馬菟山前墮青草香囊不返蓬萊魂至今野
燒連高原圖畫芭蕉何足言

村居

萬山不斷雲氣橫芳洲若浮江水清昨夜涼風
起天末一方落葉皆秋聲落葉飄飄風不定巖
下名花開已淨高亭美酒須少年白髮朝來滿
明鏡千金不惜買歌舞貴賤同歸一坏土江南
風月閒處多結伴遨遊莫相負

寄京口丁黠白憲副舊守温州

黠白先生歸去來海邦山色空崔嵬舊時桃李
滿城郭紛紛還向春風開先生門栽五株柳頭
戴葛巾手持酒仰觀宇宙薄浮雲富貴于吾復
何有楊子長江遶書屋一點金山隔脩竹鱸魚
作膾白似銀萬笋堆盤爛于玉先生此樂當何
如屈指萬古惟陶朱我有扁舟欲相訪白蘋秋
水連三吳

甌泉別墅

羅浮山下春泥滑白鹿城邊江水潤鳧鷖瀟瀟

亂晴波極浦潮聲來聒聒幽人把釣竿編竹爲
長筏鯉魚尺半強浪逐桃花發鼓枻歌滄浪江
空挂明月月色亂楊花悠悠作飛雪

東崑爲盤城張君賦

崑岡原在盤城東璫璣吐綵如長虹卞和卮化
泉下土紛紛肉眼空相逢岡頭有地堪種竹岡
下有田堪種粟隱君自足了平生海門月出來
書屋

憶靈巖

曾到靈巖寺斜陽帶晚鴉山童掃僧舍茗椀對
殘花拄杖看危石移尊就淺沙題詩轉相憶惆
悵老年華

清明日泊揚子江

楊柳夾江青東風潮正平雲間旋蜃市沙際聽
鼉更萬水俱東逝孤舟更北征不知時序改今
日是清明

入清河

柳葉初凝綠桃花正滿林河流移故道海色變

層陰午夜一帆月征人萬里心風沙吹欲老短
髮不勝簪

過筠石山居

何地是蓬萊雲煙萬里開山花敷綠草竹影掃
蒼苔鷗鳥隨風去蘭橈逐浪迴隔江新酒熟誰
與一銜杯

武夷回宿護國寺

九曲循溪下長橋卧彩虹客懷憐蟋蟀秋意在
梧桐古寺鐘初定虛窗月正中翻然動歸思新

水送孤蓬

期章千峰諸社長同遊雁山

風雨滿西樓松間細水流獨懸孺子榻誰泛剡
溪舟佳境能留客深杯可散愁待君携杖屨同
去看龍湫

寓江心寺

孤嶼清秋夜星河萬里槎江山如有約雲水暫
爲家白髮隨鷗鳥輕舟採石華秋風動歸思浙
瀝響蒹葭

歷代詩選 明倫彙編 禮儀典 第...
登白巖龍潭夜歸

春盡花無信山深客到稀夕陽還命酒細葛又
裁衣樹影浮蒼靄燈花下翠微百年塵外意一
醉卽忘歸

金陵席上諸僚友押韻促筆催粧

睡起楊妃太液東海棠初試晚粧紅過雲愛聽
歌喉響待月休教花影重金屋阿嬌猶對鏡玉
樓翡翠未開籠琵琶半掩勞呼喚司馬青衫濕
處同

陪萬五溪學憲至雁山

雁山山下惠風和野老追隨使節過海氣盡消
波色定棟花纔落鳥聲多林煙漠漠春將別世
路紛紛炙易皤借取僧房同一宿夜涼明月下
庭柯

題珍溪朱南鳳書院

雁蕩諸峰盡向西芙蓉水落到珍溪瓊枝玉樹
連書屋白石清泉帶柳堤雨過杏川看犢飲春
深草閣聽鶯啼眼前卽是神仙地何必桃源更

問蹊

雙溪隱居三首

竹屋藏書是隱君，雙溪水落碧沄沄。
交流轉映窗前柳，秀色平分海上雲。
碧月影連芳草渡，菱歌聲動白鷗羣。
蘭舟曉起隨漁父，濯足歸來日又曛。

蘆花飛處雁初來，萬里長空霽色開。
浙浙涼風起高木，瀼瀼白露下蒼苔。
青天半覆龍宮上，斜日驚看鳥道回。
雁蕩南頭緱嶺北，此中佳境卽

蓬萊

落日西林樹影斜，一川新水上平沙。
眼中萬事真如寄，湖上孤舟可當家。
銀漢不流天似洗，水禽無語浪生花。
張騫原是忙中客，西域歸來又泛槎。

西臯別盤石朱堯清

西岑落葉正紛紛，江上風高起白雲。
錦席淹留當歲暮，畫船搖曳又黃昏。
歌聲欲動城邊浪，雁影遙分塞上羣。
共踏紫陽山下路，自知年力不

歷代詩選 明朱海南

如君
送朱先生北上

謝公亭下大江流子晉簫臺落葉秋九月菊花
開滿路一天明月照孤舟小姬度曲還傾酒佳
客看山獨倚樓梗梓定爲廊廟器老夫自合住
丹丘

冬日奚蘭室老友見訪喜而有作

江村寒月客來稀坐對梅花半掩扉燈火最憐
清夜話溪山偏愛故人歸酒尊欲盡還堪瀉世

路無情已息機相見不須悲白髮山林鐘鼎總
成非

章孝夫雁麓山庄

陰陰竹樹遶山根石徑雲深蕩北村無數落花
浮水面盡隨鷗鳥到柴門鈎簾靜對千峰月種
藥新開五畝園長日南窗事高卧漫將風景說
桃源

雲石圖爲黃煉師賦

蓬萊山上白雲宮彷彿仙家遇赤松歲改不妨

瑶草綠春來又見小桃紅丹砂曾問容成子玉
液真傳白兔翁欲把青囊與君說年來萬慮已
成空

屏西

錦屏秀色如霞綺誰結幽亭近夕陽山勢北來
連紫極海波東起浴扶桑青蓮開處秋雲冷白
石歌殘午夜長已向南窗事高卧漫將泉石傲
羲皇

松軒

長松千尺倚華軒軒外松陰五畝園睡鴨未醒
雲滿地主人相對酒盈尊香浮碧落紅塵遠影
射虛窗白晝昏欲向徂徠訪仙跡試將丹訣就
君論

寄楓林徐月湖

芳時不戀人浮雲空在目獨自把深杯醉向花
間宿

僧拜石

高躡禮斗壇俯身向南極顧影落東暝來蹤自

西域

贈趙雲溪

孤館秋高月色寒相逢同作客中歡後期只在
東山下一架薔薇帶月看

寄孫南江僉憲

再到山中訪紫霞紺園衰草夕陽斜舊時僧鶴
歸何處獨立溪橋數落花

春夜獨坐

花送春香入酒甌山頭明月下簾鉤綵雲一片

隨風散誰伴歌聲出小樓

瑤川新漲同魏海南泛舟

草暖風和二月天江南蝦菜不論錢前溪昨夜
添新漲一葉中流范蠡船

夜坐

金爐火盡不聞香銀燭無光春夜長想見落花
千萬朵盡隨風雨下池塘

玉女峰次湛塘韻

淡粧初出蕊珠宮翠壁丹崖想像中好似麻姑

歷代詩選 明 卷九十一
駕蓬海海波清淺日輪紅

同白總戎泛海觀漁

避塵無路却尋仙老去生涯落海邊春水接天
晴日暖白鷗多趣釣魚船

湖南草堂爲陳君賦

曉日初臨紫翠重奇峰萬朶削芙蓉浮雲半在
藤蘿上玄晏先生一畝宮

石倉十二代詩選

明次集卷九十一 終

石倉十二代詩選

明次集卷百之二

澤西集

大明

宜興杭 濟著

後學曹學佺閱

雪江爲友人賦

北風吹雲凝不動大雪墮空寒色重長江拖底
橫玉虹疊屑浮花欲成凍潮頭水枯沙渚明一
片瓊瑤萬里平古來天塹竟失險此時風景當
誰爭高人獨凭此江上圖畫坐中開晃漾眼花
虛搖毛髮竦清入詩脾破塵障不須乘興山陰



舟不須放鶴西湖頭孤懷曠世真迥絕直與冥
冥造化遊

入關

關中山水古所稱纔入大關良足徵前山將迎
後山送左岡右嶺來相仍或如青蓮座中起或
如危屏半空倚或如突出孤髻尖或如周匝高
城壘龍飛虎伏還鳳鸞紆迴盤蹙斷且聯中窪
爲谿下爲谷谿豁兩壁皆倒懸旁窺無底到千
尺奔流撼地轟霹靂長松密竹交亂藤一磴盤

雲出深黑此時日高煙瘴清僕夫步穩肩輿輕
徘徊瞻顧不暇給陡使目眩心神驚不知造物
何爲者百惟千奇漫陶冶古今畫史縱絕妙假
畫丹青孰模寫吾狂素欲效子長周游歷覽徧
八荒宦途十年困羈梏夢中丘壑心茫茫薄才
天遣寓此地山水有緣疑夙契短歌聊爾答山
靈他時擬作南行記

贈蔣羽士

篋衣出山披紫煙飄飄手度人中仙笑揮長劍

走陰魅坐呼白鶴來青天間渠行藏定何所丹
霞玄圃空同巔秋風吹來過我室對我熏茗談
玄玄欲留信宿不可住飛雲萬里心茫然

題山水畫障

斷岬橫舟山日陰人家散居楓樹林江煙萬里
破孤暝江波倒影天沈沈短渚長沙渺無極木
葉吟風動蕭瑟驚鳧歷亂飛盡空坐見遙岑送
秋碧

次韻爲羽士題畫

憑誰貌入丹青裏疑是仙人赤松子儵然長身
立松下蒼雪墮衣風不起萬古乾坤歸一息手
中琅函不盈尺笑拂髯龍倚太虛看破紅塵眼
雙碧

建寧縣公館夜坐

鴝鵒半夜鳴屋角狐狸四野方縱橫我懷耿耿
不得寐孤燈起坐天未明淒淒霜月白滿地隔
牆聞有啼號聲提兵千里欲戰伐區區市井皆
疲氓公然飽食入山去心忡氣激何時平牀頭

撫視有長劔開函星斗光
晶熒安得猛士與戮
力爲挽天河洗甲兵

夏日偶作

三伏盛炎暑遠村人到稀
年衰病衆集性懶事
多違林雨竹涼細池風荷氣微
藤牀與竹几坐
卧日相依

舟宿錫山途中

傍舟依斷岫溪暝日沈時
水靜知風定雲昏較
月遲春稠寒尚怯野枕夢多疑
照影青燈獨幽

懷欲向誰

偶成

殘日照茅宇西風吹白頭
一官今懶道百計早
知休病葉秋先老
遲花晚更幽清平我田野行
復見西周

春夜宿黃山莊樓上

暝色西林入高樓
一榻平天虚心迹迥
山寂夢魂清
簾月交花影簷風靜
竹聲幽懷不可耐起
坐徹餘更

送人南還

暫從塵市亦何心回首溪雲憶舊林孤棹夢隨
天外遠短衣秋向客中深儒迂老去渾成態鄉
語歸來不改音黃葉黃花滿門徑草堂知在水
西潯

次韻楊名父對雪

窮陰連暝覆重扉咫尺蓬山隔禁闈玉燕舞風
吹絮落銀河剪水作花飛遠搖澆漾能欺眼亂
撲輕盈欲點衣夢裏梅花衾枕惡江南此夜正

思歸

新春次韻秦鳳山

春風雙鬢換年華兀坐一官仍舊衙書几浮灰
披汗竹墨池香沫散冰花十年裘馬塵中路一
枕江山夢裏家欲傷踈梅問春信出門殘雪思
無涯

山行次韻呂仲仁

萬落千村寒食時滿天晴日散游絲輕蹄踏草
憐初碎高帽衝風怯半欹歲祀屢隨公例出韶

歷代詩選 明末七卷 五
光暗與賞心期穠桃艷李相將發誰說陰山春
到遲

新晴涼甚在 闕左池上作次韻

西山昨夜一雨飛高城涼色早侵衣聞鐘長樂
朝初散候敕承明立未歸御氣天香通碧落林
光池影動清暉 龍顏只尺何由覩縹緲雲中
望紫微

中秋對月次韻

滿庭金粟散仙葩天上團團樹不斜寒溢練光
如沁水暈生珠彩欲成霞百年秋色平分夜一
片歸心萬里家剛待明朝看又缺爭教衰鬢不
添華

至寧德喜與君聘一會

入山正苦逢人少忽報君來兩日先事在不期
真足喜會于偶得亦何緣長更話對孤燈雨別
館寒分半榻羶身到異鄉同是客此懷相藉轉
依然

過武夷次羅一峰韻

斷合溪流去復廻此中靈秘自仙胎枯槎架壑
船空在蛻穴埋雲骨未灰壁絕兩厓懸紫翠祠
深九曲漫蒿萊欲尋碧水源頭路斜日夷猶一
權來

登紫雲洞

行轉山椒更鬱紆路疑絕處問樵夫紫雲洞倚
天關近石竺峯懸寺塔孤飛蓋凌虛驚鳥度輕
輿到險倩人扶山川漫擬真靈在仙夢還誰定
有無

登閩越王釣臺用前人韻

高臺跂倚想英雄今古茫茫感慨同吞吐潮聲
當海口屈盤山勢控閩中千秋享祀神如在一
日圖王事已空大釣人傳遺此地斷厓陰雨鎖
龍宮

署事薇垣夜坐偶作

衰病誰堪百慮并偶來一榻坐殘更文章合是
西廳事簿領何煩別署名高閣風傳踈漏下虛
庭露洗暗涼生多情惟有霜臺月還向薇垣照

獨清

九日餘干途中

楚澤南來愁正長
清詩坐裏廢重陽
茱萸滿地誰家酒
風雨孤舟客子鄉
汗漫功名憐泡影
蕭條容鬢感秋光
陶翁歸興東籬下
千古令人思渺茫

萍鄉道中遇雨用王伯安韻

古渡沙崩出岍痕
長途泥滑水流渾
經秋客路連千里
到處人家聚一村
乞老餘骸懷未得
看

山病眼恨先昏
楚雲湘樹啼猿處
風雨淒涼介斷魂

新正六日過東禪寺因觀壁間舊題用韻

志感

東郭依然野寺春
重來忽憶舊遊人
開軒花竹看逾好
拂石詩題認却真
白鶴向人如意舞
青山于我亦情親
一尊醉倚東風裏
空嘆浮生去住身

途中漫作

歷代詩選 明本廿卷
行藏元與道相關知止年來合退閒剩得一官
惟白髮歸來三逕有青山已忘世事風塵外不
愧吾心俯仰間昨夜子陵祠下過江風吹雨淨
衰顏

東溪小隱

清溪東畔隱君家幽事人將擬浣花垂柳蔭牆
緣岼曲短莎分逕入門斜春風漫意隨吟杖秋
水乘閒放釣槎了却百年終隱計更無飛夢到
東華

生日用舊韻

七十稀年已屆期坐臨白日戀西馳乾坤容我
閒方得歲月凌人老却知弧矢柴門春到後江
山杯酒雪晴時極知衰朽渾無用舊學何心更
累絲

秋日過吳門訪白樓太宰

杜門久已謝逢迎扶病聊爲訪舊行遠別廿年
惟夢想相携一笑卽心傾幾人高節歸同社老
我虛名負此生今夜西堂坐風雨一燈深話有

餘情

杭

淮

字東卿弘治己未進士
澤西之弟有雙溪集

送中舍徐德章奉使過家

朝出城東門送子還故鄉故鄉多白雲登高重
心傷風生潞河渚那能共舟航纖纖蒲芽短青
青柳條長柳條不繫行蒲短空在傍平安千里
音憑君達高堂

西山呂公洞

驚見呂公洞水邊駐春鞍側身入地底偏側頗

碍冠導燈如星明墜石訝劍攢魚貫緣曲折忽
俯千丈湍却步不敢前下有龍蛇蟠腥風起昏
黑颯爽肌骨寒翻思張公勝焉得生羽翰五年
客京華茲辰亦奇觀

送劉美之太守赴銅仁

園柳何青青江草萋以碧送子適萬里執手情
脉脉嗟彼雲中雁翱翔依沙磧不爲稻梁謀何
以有南北努力慎所之悠悠豈終隔

見李介菴卷因念其爲人賦此詩

濯濯楊柳枝開花大江隄轉盼春風顛飄泊岸
東西美人隔江水誰當共襟期臨流和漁歌褰
裳掇江蘼思之不可卽仰視白日馳玄髮日以
變夕惕恒自持願將青青栢遺君長相思

早發巢縣暮宿金城寺

煙靄市上青霜露草根白日出雞尚鳴墟落谿
南北涉野多寒風枯楊何蕭索山川莽迢遞歲
晏道路迫王事苦未休慘淡逾郡國暮逢禪房
幽且復舒枕席

送王陽明謫官龍場驛

白日野中微浮靈結朝陰送子遠行役躑躅傷
我心豈無良朋倚不如子同音寂莫投窮荒誰
能念浮沈願爲雙玉軫相隨麗瑤琴

送李獻吉致仕歸陝

美人別我去各在天一方相見不可期秦川浩
湯湯昔別長不惡今別一何長采采芙蓉花照
見君衣裳從之不可得攬轡徒徬徨

八月十六夜飲王陽明館

歷代詩選 卷之二
素月殊未缺皎皎銀漢光照見庭中席浮盃宛
清揚對此輒復醉高歌激清商時節忽已邁白
露霑衣裳人生有離別此樂不可常月高更起
舞庶終清夜長

寄別瀾滄兵備林廷元

南阻瀾滄水北逾貴陽城惜哉不相見徘徊佇
心情長林朱葩耀候氣百鳥鳴緘辭千里道胡
能慰平生

二

明月出皎皎行人發滄海海水清且長月明流
光彩朱絃不聞聲顏色日夜改江洲多芳蘭寒
裳思其采

挽李獻吉用曹太守韻

憶昔與君別執手河之陽豈意死生隔千里愁
雲長河流向東注高林歇春芳相思贈行篇觸
目惟琳瑯

二

花開復花落白髮悲青春鳳去遺脩竹琴張棲

暗塵精魂如不死上爲列星辰思君不可見淚
落滄江津

送吳頤山提學河南

暮收桂水楫朝驅大河車一別何草草 王命
有簡書子行秉文柄寔繫風化初空江木葉下
霜清菊花餘念子不及餞回首空躊躇

送錢士弘監稅杭州

江畔柳何青青花飛化作江心萍風吹波濤散
無跡人生去住亦何憑君去還復來春滿黃金

臺不須對此意愴惻高歌且覆燈前杯憶昔坡
翁守杭地半在西湖了公事君今豈是坡翁流
瀟灑風情亦山水詩成想像寄遐風雲樹渺渺
江之東

飲安慶江亭

江邊幸逢賢太守冬日江亭置春酒亭前長松
不計年蟠拏屈曲虬龍走同年更逢王子喬蕭
颯仙飈度崑牖日暮天風吹更急江勢洶湧波
濤吼艤艫崩奔歛西向陣馬臨江亦何有壯哉

乾坤目力盡歲晏蒼茫苦客久何當風從西南
至擊帆須臾過京口

憚民部寄惠鮮筍銀魚

西曹暮歸城鳥棲明星在門北風作歲晏天涯
感我情相對妻孥苦不樂小女手持銀魚至兼
有笋芽如犢角云是仙曹遠寄將此意年來重
寥落三寸冰僵白雪蛆數莖春苞紫泥籜南山
風高滄海深冬月何由見琮錯呼兒剝笋仍烹
魚入口香醪似鮮酪更長燭明一放歌迴首家

山事如昨

託吳僧乞石田畫

緬懷高人今白頭秋風未放滄江舸歎息人間
常見畫白水丹山無不可有時更出雙梧桐柯
如碧玉篆青空下有閒翁曳杖屨蕭然意氣來
清風自是君身有仙骨放筆塵寰看超忽且知
畫者乃餘事君有聲名非滯沒吾亦平生頗好
畫逢人不愛千金求安得生綃出東壁白雲爲
我生滄洲

送同年王載卿使廣東

憶昔荆溪花發時樓船泛淥日悠揚秉燭高歌
大魚出風湧更深殊未央倏忽轉盼已陳跡鞍
馬共逐風塵客都城對面亦須臾兼有簿書相
促迫秋風嫋嫋生江湖復送君登萬里途蒼茫
五嶺炎荒地無使瘴癘侵肌膚

劉元瑞贈劔作短歌奉酬

故人遺我以寶劔出冶芒寒上衝斗爛如秋水
涵晶光揮霍臨軒鬼號走感君意氣吳季子慷

慨及此同心友加以琕琫垂錦鞬錯落應看百
朋後珍重何須出尚方恐懼惟干佞臣首結束
相隨萬里身磨礪肯使纖塵垢變化蛟龍倏有
神恍惚風雷生我肘吁嗟壯志白髮生爲君高
歌一傾酒

觀張南園作畫因索溪澗春雲圖

憶昨見公丹青圖已覺妙絕今所無公爲海內
文章伯落筆自與他人殊隨龍雲氣忽飛動海
天雨脚吹堂隅翠峯回頭絕島孤野橋分明斷

歷代詩選 卷一百一十一
嶰紆更貌一杖仙翁癯抱琴瀟灑雙童俱吁嗟
青雲客隻異稷契姿早時拂衣卧南極無乃抱
此胸中奇煙霞適與幽興會髣髴坐我清溪湄
鱸鮓潑潑春漲動漁舟兩兩花枝欲清溪迢迢
渺何所歲晚天涯滯遊子願公爲我揮灑隨篋
筥道路風塵長如此

見羅羅

野人形骸如木土出入防身負長弩白布裹額
金耳環腰下紅絲約雙股道傍私語如嗟咨山

深少見漢官儀由來人情一失撫不獨此輩爲
豺虎

賈太傅宅

千年故宅空形影古井荒苔只自深寂寂星沙
繫舟晚長楸五月寒蟬吟太傅才高稷契姿漢
室少康安足期惜哉少年苦太急一爲痛哭君
臣疑

鎮遠會劉同年念故鄉山水將卜隱居因
題以別

三河有靈山下有洵陽泉山高嵯峨鬱而秀泉
性溫煥清且漣聞君念此將誅茅未去已覺心
飄然雲霄赤驥整初駕風颺急隼當秋天胡爲
早作宴遊計無乃愛此山泉偏憶昔 京都與
君別回首十年不相見今朝執手蠻山中覺我
衰遲顏髮變浮雲生態自朝暮碧草餘葩滿郊
甸人生出處何必同鐘鼎山林各有願別君何
地更逢君把酒臨江心曲亂

送貴州周巡按子賢還朝

憶昨貴陽相見時朱槿花開光景遲言論侃侃
見節操邊城五月清霜飛海內相逢恨不早憂
時每見杜陵詩夜郎西來有逆順苗獍亦知事
鋤犁草中狐兔不足數道上豺狼猶自肥去年
天王狩東都不知何日還宮闕南國地遠無消
息滄海日暮空愁思只今濟時須公等袖中短
疏安所爲喜今簪筆朝天去坐見一日新朝儀
從此鸞輿罷遊幸九重端拱問瘡痍

相思行寄中州和大齡

與君一別後兩見滁花開花落自春色思
君高卧梁王臺梁王臺深三尺雪哀絃急管緣
雲切至今風流空耳聞祇見臺高上新月明月
照君心手彈綠綺琴夜靜聲激烈誰爲聽君音
罷琴對酒還復歌春風萬里吹黃河相思欲見
知何地雪臺竹色今如何

送周中丞貞菴北行次韻

憶君五年不得見一見匆忙何卽別金函將賀
世室成玉佩趨朝寸心熱關山蒼茫歲二云暮癯

形千里當冰雪願君努力加餐飯馬上重裘慎
朝發長安臘盡春色回喜氣風雲動城闕寵沐
君恩拜舞餘緬想應歸二三月瑯琊山深紫霞
爛歐子亭高白石裂期君此時須少畱置酒花
間候車轍

送馬參將治守備燕河

將軍勇銳富才畧東方大盜不足平此日秋風
灑金甲送君北上燕河營燕河逼臨胡虜窟犯
邊輕我無備兵古人重守不重戰此行須爾爲

長城

題畫松

登堂忽訝生煙雲錯落長松偃東壁老幹半作
虬龍形枝葉長留歲寒色古來畫者有韋偃近
時廷章亦可師但留一幹在人世已覺澗壑無
餘姿更添白石相撐倚日照蒼苔淨泥滓摩娑
不覺毛髮寒五月高堂朔風起

張洞紀遊用萬弘德上舍韻

重遊名山三月暮雜花洞口春溟濛捫蘿累足

入地底逸思飄然凌太空舉頭顛厓若覆蓋瓊
脂玉乳懸玲瓏危臺百尺俯幽奧疑與玄圃滄
溟通中有石笋起撐突俯覺巨象馱蒙茸煙雲
氤氳不出戶時有石燕飛空中蟠拏又如伏虎
豹踴躍或似舞蛟龍千態萬狀接不暇吐舌駭
此造化工眼無廬山瀑布泉暗滴石上時淙淙
把炬搜奇更深入日午重關掩瞳矐手撫石牀
蹴丹田恍聞玉女歌仙童丹田芝荒石牀冷至
今脩鍊留遺踪世上三十六洞天不知誰者似

張公吾生足跡半天下空聞海上有方蓬

沈石田與吳心遠遊罨畫溪燈下作畫題
詩爲別石田沒而文衡山添一舟貌二
公于中今心遠亦沒矣見畫感興次韻
石田逍遙心遠逸携手共作清溪遊風吹柳條
映沙白水涵舟楫兼天浮畫中誰爲石田老瀟
灑綸巾歆白頭心遠飄然若仙儔意氣已覺凌
丹丘惜今二老不復作空使感歎臨長流賴有
衡山補遺墨清溪明月至今留

寄沐叅將崧

故人憶自滇南別忽忽已是十年餘雁飛亦似
限南北不道十年無尺書將軍勇銳富韜略有
才偃屈空居諸吁嗟壯志豈終歇對酒猶自談
穰苴公家老驥適棄野臂鞞蒼鷹常待呼丈夫
功業各有時幸今南夷晏無虞應知靜處學不
廢好客還似當時無春來秋去花滿戶尚想棋
局臨方壺

春初有懷衛源阮副使同年

郊原日日春風生卽看衛川花滿城看花泛水
醉不已拄杖時聽黃鳥鳴吾鄉亦有罨畫溪
大照見遊魚清未由濯足放歌去春去秋來空
復情

復送顧華玉限韻限體

涼生六月薊門秋浩蕩河山景蒨舟渺渺雲兼
江燕沒娟娟煙傷渚花浮高天灝氣開行色滄
海文星徹舵樓衣彩已凌淮水曲雞聲猶憶鳳
池頭嫖姚驥子膺長御九萬鵬圖入壯遊天署

清高銓選府地靈盤礴帝王州陽秋行見照
千古勁筆須知回萬牛裴楷清通元自異商衡
睂目更誰收飄飄思遠風雲上振蕩詞雄金石
投籍籍麒麟黃閣迥早看功業耀前脩

襄陽習池

青山愛峴首春風還習池尚想山公醉惟餘羊
子碑巖花落冉冉江柳垂絲絲亭臺斜日畔今
古一長咨

看山亭成

歷代詩選 卷之二
百尺憑虛檻亭開坐見山清時無野戰司牧稱
官閒雨意微茫外嵐光紫翠間樽前有雙鶴日
暮與雲還

雨中登樓

節序黃梅候朝陰午不開浮雲暗山去急雨洒
城來高艷紅葵濕低翔白鷺迴洗心亭咫尺煙
靄擁層臺

至日陪祀 山陵

龍翔鳳舞英靈窟萬壑千崑紫翠分天上玉臺

寒積雪空中金閣迥浮雲百年青海無傳箭今
日朝廷正右文一奠新陽昭格裏松蘿香氣入
氤氳

除夕直宿部中同張元德刻韻賦

禁漏迢迢傳夜永椒盤相對燭花明省郎多病
經秋骨客鬢雙蓬萬里情凍葉庭深餘雪色哀
鴻天闊帶春聲鄉關臘盡無消息回首蒼茫北
斗城

新脩岳武穆祠

歷代詩選

月亢東卽

次集卷百二

十二

心

長望秋風薦野蘋精忠祠宇又更新寒煙白石
荒山暮枯木南枝萬古春志決幽燕終報漢眼
中頗牧已無秦金符十二如兒戲豈料安危繫
若人

經盤江次劉元瑞韻

踰岡陟嶺逢多病臘盡春來不記程瘴水已知
添客淚窮山只是有人行緣厓晝霧愁俱黑觸
馬春花眼一明西蜀未知天下險老夫筋力盡
南征

興隆東坡書院和朱凌谿韻

欲于何處覓仙蹤悵望危欄俯碧穹石磴煙雲
虛半壁春深花鳥滿幽宮乾坤一繫西來馬劔
佩聊乘萬里風不必殊方問招隱蜀山元自小
舟通

棟菴爲黃朝用作

中山同事校文初廿載驅馳會面踈忝竊看花
成白首棲遲種棟只安居風吟高葉琴樽曉雲
接長溪戶牖虛何日扁舟挂冠去跳湖東畔訪

幽墟

春初飲亭上簡同僚

悠然亭上坐春風
落日清樽幸不空
弱柳漸看低檻碧
天桃似欲向人紅
地分省寺通僚晚
春入江湖引興同
總作淵明賦歸去
南山亦已笑成翁

題贈施文學

舟紆北渚輕風浪
春入高城幾往還
喬木眼中無故宅
行人溪上問南灣
沙堤竹長縈新水
書

屋花開帶遠山
回首豐城餘劔氣
中宵應出斗牛間

蓼莪山奉次澤西兄韻

五湖春色際天來
沙鳥風帆遞往迴
笑日野花幽近竹
入雲風磴冷侵苔
棲遲白首惟踈放
報答青春信酒杯
好事山僧能不倦
晚猶携客上高臺

送李獻吉餉軍寧夏

遠道青驄何蹴踏
高柳玄蟬苦嘈啞
送君先憶

見君時薊門春日啼鶯合

二

觸人秋暑何瀰瀰遊子驅車涉千里悠悠旌拂
華山雲蕭蕭馬度涇川水

三

西塞山前列亭障劒氣凌雲意何壯漢家諸將
收匈奴功名早致麒麟上

送錢水部致仕還無錫

張公洞深白日裂吳溪水燠青蘋香夢中風土

亦不惡他日與君俱故鄉

又

銀鱸重引江湖興金掖初分鴛鴦羣白水春帆
瞻細雨青天絕塞送孤雲

醉翁亭待客

幽期有客久不至漸看山中白日斜不有崑阿
數枝竹是誰相伴坐煙霞

歷代詩選

明次集卷之二

五

石倉十二代詩選

明次集卷百之二 終



國家圖書館, NATIONAL CENTRAL LIBRARY, TAIWAN, R.O.C.

石倉十二代詩選

明次集卷一百三

漢陂集

大明

鄆縣王允思著
後學曹學佺閱

白頭吟

種花不盈藩種樅常滿園
結髮爲夫婦中道相棄捐
今爲陌路塵昔爲比翼鳥
鳥飛東西去芳華不自保
盈盈白玉片落落長松枝
松枝附女蘿白玉生瑕疵
春風透綺疏纖帷墜明月
獨坐彈鳴琴曲哀絃易絕
晨興汲井水當窗理素絲



素絲結易解君心諒難移白頭誓偕老理無乖
隔萌衆女善謠詠情愛一朝傾妾身如舜華君
心若流水流水去不返舜華亦徒爾浮雲起西
北遙望涕汎瀾思君君不知賤妾當何言

夏夜

時雨淨飄塵東方出明月明月照我懷况復微
風發仰觀星宿稀斗柄空中揭鳴蟲各及時栖
鳥巢深樾桃李競春榮坐見羣芳歇人非金石
姿憂傷徒自伐得酒且爲樂無勞悲素髮

君子仲木遣其弟持書見訪酬答來意

佳人抱沈疴高卧涇川濤閉戶理瑤瑟寥寥稀
賞音白雪宿高槐清風吹古岑茅簷流月輝照
見千載心戀故結遐夢道長違盍簪暮秋仲氏
至恍如顏色臨遺我尺素書琤然珍與琳上言
長相思乃在終南陰載拜謝仲氏此意良已深
我欲往報之愧乏雙南金含情靡終極坐晚楓
樹林

花下對酒憶康五

林棲鮮儔侶芳醕仰獨親繁香媚旭景嘉賞及
茲辰習習谷風發萋萋卉木春黃鳥鳴枝間翩
然求其羣對此豈不樂念彼同心人夙志干泰
清麗藻回天文久要意不薄惠言蘭吐芬室遠
心徒勞追趨靡所因安得驂雲覓頃刻馳見君
對菊有懷諸友

東籬零露滋秋色燦盈目仙姿有殊類密葉映
深綠時維霖潦收欣看秫釀熟引觴聊自酌玩
此羣芳馥白雲何英英南山亦蠢蠢微風吹我

衿飄飄絕煩熯杖藜行且謠清商發新曲仰視
歸雁翔翩翩亦何速慨我平生親佳人在空谷
逸氣蛟龍騰貞懷鸞鳳伏川原邈相隔鷓蟹不
可屬徘徊日空暮歎息倚脩竹

北遊

僕夫夙嚴駕日予徂涓陽出郭縱遐眺原野何
茫茫是時春氣浮雪融塵不揚條風應候至征
雁復北翔汨汨水泉鳴嘶柳柔且黃感茲悅心
意寧知道路長因思在環堵俛仰徒面牆安得

長出遊撫景以徜徉

春日宴集示諸友

嘉辰苦遒逝爲樂當及時韶華盈陋園良朋復
在茲列坐茂樹陰瀟灑多令儀時羞薦芳馨濁
醪引滿卮物非意乃勤主獻賓不辭珍葩映虛
牖好鳥鳴高枝感茲發天籟鏗然吐麗詞謙謙
二三子盈盈冰雪姿歲寒盟勿渝好爵吾與縻

過慶善宮

皇天頗厭亂太宗當其衝天戈起晉陽矯矯雲

中龍乃知溝澮間神物固難容誕育在茲壤山
川靈氣鍾清渭環其區終南如堵墉遺宮闕蕭
爽朝暮聞清鐘宮前斷碑卧雨深苔蘚封土民
或拜舞卜歲求豐凶樵牧不敢入亦欽王者蹤
客從滄西來經此南課農下馬瞻闕像進也還
蕭雝

彭麓山房宴集

空有紅珊瑚盈盈高數尺持之博村酤反爲農
父檻相逢不一醉別後怨疇昔我今有美酒來

坐松下石勸君君不飲騎馬將安適不見桃李
花落盡五侯宅

懷粹夫

悠悠勞我思美人在河內偃息明月崑崙霞吸
沆漭隔別數經秋歲序不少貸泊勞與飛燕東
西歎違背願爲北翼鳥飛遊洽情愛

四皓圖歌

征夫血染長城地諸生魄落咸陽市博浪沙中
客漫驚商虜山下人先避沐猴授首烏江底汗

焉論功木杲裏上皇生兒與仲多戚姬有子真
如意鼎足搖搖誰與扶吃口期期亦是愚赤松
黃石有仙訣具書奉幣奔白嶠冥鴻徒侶雲間
落野雞母子宮中躍漢庭羅網竟何爲商山芝
草仍堪嚼芝草幾莖經幾春商山此日無此人
楸枰散亂隨流水松桂蕭條空白雲高車駟馬
憂方大隴湫虎穴人爭坐立志不從東海遊甘
心况受西山餓千古閒情笑我癡四翁不見使
人思聊對畫圖歌一曲疑聞風雨下長陂

催官軍赴潁上歌

銀鞍繡甲劍在腰馬鳴十里風蕭蕭羽旗猶轉
杏花塢鐵騎先過楊柳橋將軍妙手逞輕捷一
箭飛落雙皂鵬道傍觀者衆如堵奔走流汗喜
欲舞老父歎息忽不樂暮年今見持戈斧七日
賊圍潁上縣一縣萬人命如線聞說提兵李僉
事日夜登城奮孤戰城中婦子愁唧唧恨不人
人生羽翼晨炊走汲井水竭夜號聲繞春雲黑
步兵問道單身出簡書馬上飛來急豈謂潁上

坐風雨不念愁城計荆棘叢侍郎馬都督請君
早發元戎燼淨掃煙塵四十里我亦西歸杜陵
曲

周將軍歌

十五學擊劍二十學用兵猿肱燕領將門種丹
書紫誥金櫃盟 大明天子自神武日回虞階
舞干羽淫泆龍駒滿帝閑越裳翡翠來天府長
纓欲請繫單于廟堂勿用開疆土歲月悠悠老
將至封侯萬里無由遂被酒酣歌缺唾壺臨風

雄辯揮如意大兒螭胸五千卷紅雲留侍通明
殿元孫指掌八陣圖青春拜受將軍弁將軍上
築淮水濱買田蓋屋栖白雲刁斗漫隨程不識
園林恰似何將軍垂楊裊裊細煙霧短竹瀟瀟
繁雨露芰荷香散碧池風琴樽興戀青山暮山
中甲子經七旬堂下曾孫看幾度劍舞時令膽
氣祖鏡光長許仙顏駐跨馬夜射南山石鞬鷹
曉獵中山兔射獵年年樂未央山谷小虜今跳
梁棘門霸上真兒戲野草飛沙空戰場浮生感
歎雪盈首世事蹉跎柳生肘埽塵時復看龍泉
安得將軍却少年

畫葡萄引

漢武惟知貴異物博望常勞使西域六夏康居
產富饒胡桐檉柳非奇特獨取葡萄入漢宮遂
遣天王親外國當年肉味厭侯王今日霜根徧
西北吾家十畝後園裏長條幾架南山側龍鬚
時裊水風斜馬乳盡垂秋雨色故園一別驚風
雨畫圖相對思鄉土青錢已辦顧河舟白首行

看住草樓但願千缸釀春酒未須一斗博涼州
同康侯觀胡公泉歌

鄆西丈八村東側平地湧泉映空碧繞岍圓甃
幾十圍澄波到底餘五尺石罅暗瀉東北流旱
亦不竭潦不溢東北萬頃樹肥亞歲資灌漑蒙
膏澤泉頭廟貌祀胡公歲久傾圯委罔脊康侯
歎息語父老新廟亟成何煥赫侯來呼我共遊
眺匆匆下馬日已夕割羊醞醕爓靈罕下走覓
泉憩苔石水面綠萍命埽拭雲影天光可指畫

泉眼感沸底見沙荇根游泳鱖與鯽時維二月
河新霽花柳映帶春拍拍汲泉煮茗試一啜頓
覺清風生兩腋康侯興狂起欲舞嘯歌聲激浪
花白人言康侯文雅世無匹只恐 天子召之
臺端簪白筆難戀此泉常挾客

春暮歎和對山子

春風吹白日飄蕩無停時明朝忽復見日出青
春不返那得知楊柳陰陰一徑微落花游絲雙
燕飛桑落酒香碧玉壺美人不來空我思印佩

纍纍五陵客自快幾時翻自悵何如扁舟泛五
湖長遊不受人促迫磊落誰似滄西君春日題
詩許我聞欲擬剪裁那可得恍忽變化春空雲

滄西行和對山子

猛虎伏空山怒廢千夫力虎心如我知日久亦
可憊吁嗟世人心反覆安究極對酒休憂白髮
新看花且趁青春色鸞鳩斥鷃亦能樂扶搖何
必垂天翼滄西夫子藐世人胸中別有千斛春
文章氣凌漢太史科斗書輕王右軍飄風自此

來寄我雙錦文邀我去遊滄西曲花前坐玩滄
水紋泥封未破桑落酒錦瑟先招翡翠裘我亦
平生愛歌舞向來慷慨成虛語千里命駕羞呂
生雪夜王猷誰復許白駒皎皎食君場風流盧
駱王與楊棲息忽看夜月滿登眺不知春日長
春日同遊各盡興夜月多情還舉觴太平不飲
果何待顧乃真醉非佯狂君不見古來治老苦
無藥坐見桑榆影閃爍子有酒食當及時何不
鼓瑟日喜樂笑我曰舍翁未能游雀躍不及諧

君山水情亦有草堂在西郭

南山行寄熊子修

我病一月不出戶雲夢先生遠相訪殷勤兩度
入我室我聞談笑覺清爽興來挾客南山遊陰
翳經旬忽開朗老天有意山靈喜蒼翠排空待
吟賞草堂寺中叅古塔紫閣峰前眺仙掌陸海
混茫萬鈐里瀑布飛來幾千丈先生與狂渾欲
飛醉拈彩筆掃翠微瑤草瓊葩盡收拾奚囊肯
得南山歸遺却兩枝在茅屋琅玕五色炫人目

世人不識雲夢仙燕雀紛紛逐鴻鵠吁嗟乎天
風一朝鴻鵠起燕雀紛紛亦徒耳

聞賊至登壽州南樓野望

極目川原外無言自愴神雲山晴見楚煙樹遠
浮奈平地干戈滿臨風羽檄頻西飛羨歸鳥隨
意過城闌

入關

客子來何暮關門愧昔賢首陽祠夫遠商洛路
依然飛鳥三峰外孤城落照前終軍今白首非

復棄繻年

夏日樓居漫興

世泰容吾拙官閒似隱居苦吟遲得句倦讀卧
看書山色憑欄外花香退食餘老親身更健千
里寄雙魚

憶昔

憶昔瀛州選淒涼老鳳羣欲將淮海淚哭向秦
陵雲王國風雷少昆岡玉石焚數奇千古恨不
獨漢將軍

潯西庄春日行樂詞

渭北神仙府春來樂事多花枝侵舞榭日色艷
宮羅麗曲嬌鶯妬紅顏細馬馱更憐明月上流
影入金波

又

金馬當朝彥銀魚隔歲焚高樓丹鳳麓開卧碧
山雲湘透春風度秦箏月夜聞太平無一事只
合醉朝曛

周守惠茶謝答

老去難勝酒閒來獨倚樓使君題玉版仙茗白
金州春泛玉泉色香分漢水頭枯腸從此潤短
咏若爲酬

草堂別貞夫

不盡登山興其如送爾情秋風臨路發征馬向
人鳴白髮偏多恨皇華自有程相思虛夢寐迷
却鳳凰城

答禹夫春興之作次其韻

玉笋春醅綠金釵舞袖紅遠山凭雪檻佳景落

詩筒桂子雲霄上荆花雨露中衡門三十載不
因是英雄

東康五

冬徂春已半不得滄西書老恨追趨懶相思夢
寐餘杏花開正好桑落興何如七十年是應
勞長者車

贈邵鍊帥

去夏長安別今春鄠杜逢暫留山閣住難繫野
雲蹤避客封丹火談玄坐古松明歸栖隱地

鳥徧吳峰

過張時濟少陵山庄

少陵野老去不返十畝山田多白雲新架茅堂
爾爲主獨栖崑洞誰與羣夏日來就碧窗卧午
風細灑青簟紋飄然夢覺坐苔石笑飲竹泉歌
夕曛

符園對月

微風裊裊動花園皓月娟娟照酒尊且聽玲瓏
歌白雪寧勞阿段報黃昏涼生芳草遊人卧影

挂柔枝宿鳥翻乘興便爲行樂地青鞵何必到
雪門

沂東宴集值風雷大作

日暮俄吹萬里風西原牛馬下巖崕震雷挾雨
十峰黑高岬飛花一澗紅掃興頓教碁局散停
歌非爲酒樽空須臾玉宇還開霽皓月留人意
未窮

無題

寂寞西風羽翠樓黃昏斜抱玉筵篔簹彩鸞影逐

秦簫斷紅葉心隨御水流天外行雲難入夢
玉中團扇易驚秋愁來只恐嫦娥笑明月疎簾不
上鈎

詠華陰李太白

騎驢寧避華陰令走馬曾于五鳳樓采石狂遊
醉欲死長安不見却生愁名齊杜甫追風雅運
落南箕起謗尤過客悲吟蓮嶽下問來元是謫
僊流

詠華山陳圖南

華山隱士羨圖南高卧于今尚有龕花鳥多情
誰作主雲霞無恙夢猶酣玉峰臨路空勞望鐵
索懸崖不可探我欲東尋劉禹錫結茅同住碧
巉巖

中秋不見月和答湘厓蔣子

懶上元龍百尺樓清光不似去年秋南飛烏鵲
渾無影斜倚闌干恨轉幽縱有金罍誰共酌空
聞玉漏換更籌嫦娥只在雲深處閉却廣寒應
自愁

太微子過訪留詩因次韻以贈

山下孤村水竹居
城西樽酒漢陂魚
青春不負岑參約
絲筆今看杜甫書
花柳半開風乍暖
煙霞畱住日無餘
明宵又作懷人夢
咫尺長安萬里如

洛原爲白子賦

倦揖已浮南渡水
故家猶問北邙山
迢迢歲月遷移後
隱隱鄉閭夢寐間
風氣不隨金谷散
雲仍今見玉麟還
芳隣近接程門迥
數仞宮牆尚

可攀

秋興

霜落長城萬草枯
三邊兵甲盡防胡
千年充國屯田計
萬里嫫姚出塞圖
寂莫魚龍沈瀚海
哀鳴鴻雁憶菰蒲
閒情欲共伊人語
白露蒹葭水滿湖

二

秋風昔伴逐臣回
此日逢秋意轉哀
貝錦有言讒巷伯
黃金無夢到燕臺
土堦步月青藜杖
草

閣看花濁酒杯垂老光陰吾願足補天自有出
羣才

寄謝李宗易

白髮交情自布衣非關出入在黃扉癡兒生死
勞思及老淚縱橫豈浪揮萬里雲霄心轉切五
更風雨夢初歸有時倚杖看台斗無限清光近
紫微

聞貞夫將登華岳次韻一首寄上

好奇無奈洛原子躡屐去登西華山懸石獨沿

鐵索嶺浮雲笑指玉門關身浮萬疊煙霞上語
落三峰紫翠間欲喚謫仙沽一醉旗亭秋草雨
斑斑

十四夜月與李二獻吉飲

萬戶秋風砧杵哀殊方今夕故人來竹間涼露
瀟瀟下樓上浮煙細細迴地僻柴門無過客家
貧樽酒有餘杯踈簾碧篔簹須同醉明月青天爲
爾開

顧孔昭出守馬湖

東閣當年共詞賦嗟爾分曹違素心繡衣持斧
郡國動桃李無言蹊徑深煌際乘舟去曷曷雲
邊望闕常陰陰漢官獨重二千石行路不難休
苦吟

春興

巴城寂寂帶江樓城下清江不斷流烏道入雲
通白帝漁歌終日起滄洲英雄不廢嚴顏廟割
據深知漢主憂脩竹早梅俱有意少年春服與
同遊

二

憶在梁園詩興發康王城北見黃河信陵公子
蕭條盡白髮侯生感慨多落日酒酣提劍舞中
流風起扣舷歌十年徒侶仍稀濶裊裊行雲柰
爾何

三

文皇有意築燕城隔斷祁連百萬兵宮闕九重
懸象魏河山千古奠神京匈奴近入雲中塞大
將誰屯細柳營總制獨推少司馬不知烽燧幾

時平

雪夜

張生愛雪真成癖
雪夜顛狂走未休
馬得此時同載酒
翩然乘興一登舟
寒窗自照踈燈坐
布被聊爲穉子謀
舟到山陰卽回首
却令千載慕王猷

趙汝承郡閣燕集次韻

遷客當年去國時
西風灑淚滿瑤卮
屋梁夜月懷人夢
一日三秋采葛詩
淮海蒼茫歸棹久

在蜀散人城遲考祭徐孺今誰是
下榻陳蕃荷舊私

杏村卜築次韻

壯夫生世豈無家
宦海乘桴未有涯
新築傳言丹荔好
故山回首白雲遮
廟堂正爾需才俊
雨露今看沐寵嘉
霞艷早裁西蜀錦
春風先到上林花

戊樓角

裊裊空中雲隱隱
樓上角西風吹不斷
時向雲

邊落

壬戌元宵應制

龍池春早月華新
煙霧香生輦路塵
一夜六宮歌舞倦
晨朝還有聽鷄人

石倉十二代詩選

明次集卷一百二終

不倉十二代詩選

明次集卷一百四

蒼谷集

大明

郊縣王尚綱著
後學曹學佺閱

扈礪謠

笑綬蒼谷子結茅扈礪傍衡門交蔓草三月閉
春光細雨朝來策疲馬一蓑骯髒眠繩牀隣人
漉酒邀余去髣髴王喬栖隱處擊鼓鳴鐘方袒
踞雲液摘漿祛俗慮瑤琴一弄風落絮瑞燵纒
緲雙鸞翥覆觴便欲隨仙馭洞中丹霞刺有情

不倉十二代詩選

明次集卷一百四

一

亦

勸我青精飯一筋出門杲日光破山雨脚腫臃
雲意閒清風萬里振天末回頭芳樹非人間
來是蒼谷長謠下扈澗澗中風景人不聞對山
聊作流水漫崢嶸東飛旗影青三峰轟轟樹闌
屏莫道山人醉無事讀書臺上闕金經頽然一
覺芸窗曉布穀林端啼野鳥

歛湖馬長官督學湖南送以春風一章
驅車過鄧林撐雲蔽日豫樟深維舟度淝水潛
蛟鼓浪排山起使君此去若爲別出門萬里江

山雪春風芳草何曾歇

期仲默不至孤坐偶書

買宅城西隅退食慚幽獨閉門芳草閒誰復憐
脩竹涼飈滿四隣海月照山屋仰視雲間鴻冥
飛不可逐

雨坐

細雨良不惡鳴聲蕉葉間孤琴罷尊酒對此草
堂閒移情向雲水風帆天際還野蔓開荒徑
君歸舊山

郊行

壯歲不曠事意期天地長殷勤簡詣集殊無不
死方委塋竟何所佩劍迥難忘青天空鶴唳孰
與哀北邙

贈李解元行

易水蕭颼處秋風聽短吟雲來村樹暝蟲響豆
花深舊篋猶懸劍高齋已罷琴留君渾未得寂
寞數年心

和商寅長雨後韻

雨後尋幽會相逢復故人高秋淨綺席澹日散
芳隣汝水春來興京華歲暮身登樓無限思肯
厭去來頻

兀坐讀空同子詩有懷大復

幾年詩卷未曾開紫邏雲山憶鹿臺午漏旌旗
隨日轉天門鐘鼓放朝迴憐才不見李生久動
興還如何遜來舊事新愁俱踳躑清霜落木益
堪哀

度關奉賡遂老韻兼懷諸子

三十年前華嶽還，棄繻誰識此潼關。
虹橋漫指天涯柱，華榜曾游夢裏山。
無地可能忘舊隱，有僊端合駐童顏。
親交他日傷凋落，翠壁丹崖想自攀。

答陳虞山

姑蘇江口懷君地，夢裏分明數往還。
罷藥焚香開舊卷，小亭終日對虞山。

和梅國韻

顏谷已非梅國意，考槃何地渺煙蘿。
不愁薇蕨

徑來晚海畔，風高暮雨多。

再入華山

松逕煙蘿澗水深，金風獨上華山岑。
真源欲問來時路，滿地桃花何處尋。

孫

偉

字朝望有
鷺沙集

畫意

野行不出遠，步入橋之東。
雨晴農事盡，水邊村逕通。
所欣抱澗人，玩心于此同。
坐看薄雲生，窈窕媚桃花。
叢柴門澹松，桂雞聲鳴午。
春幽憩適天。

性送日春飛鴻媯然吾得我意在忘言中

出塞曲二首

路繞飛狐西心與大刀折鼓聲斷重圍斜日陰
山雪陣雲隨草低殺氣傷城結何人哭遼水水
上青燐滅邊色寒蒼茫老將節旄絕胡馬躡足
高踏冰如踏鐵露宿黃沙戍哀笳增哽咽人
半未歸分甘死飢渴家山常在眼莫念經年別

二

軍行莫采芑佳人莫夢蘭采芑地不生夢蘭後

駭難卽戎有簡書門私置若干城邊戈可枕寒
上雪可餐寄衣是何日縮肉且恐寒烽火時一
紅淚落山鬼間重氣自輕生而暇憂摧殘君看
交河水萬馬飲不乾願河向東流東流近長安
同養齋遊慧力寺

禪房閉幽闕依依近寒城江光動林景巖霧迥
陰晴日晏遠山出新松差長成客來僧自起坐
久鐘亦鳴窈窕竹廊靜時復蘭煙輕眷此同年
友蹙駐車馬榮契濶慰初展語散情復縈法似

喜相偶煮茶支跛鎔碧甌濯孤興起愛緣雲行
憇澗悅佳樹冷飈徐有聲且復一懽酌及歌滄
浪清

登毘盧閣

秋意集高欄夕陽澹羣壑
雲在襟也
談笑應
寥廓林響吹霜氣時兄一葉落川帆去前浦煙
鳥迴丹閣素懷塵外想及此靜中樂俯仰易爲
陳溪山宛如昨登臨亦是夢感歎空悠邈黃花
味節候冷露浮青萼撫化聿申寫作詩解禪縛

小畫二首

古人翳深壑孤雲時往還
崑花與藥蔓無人終
日開泉響落林曙有路穿其間未覺前山夕悠
然還入山

幽賞盈所抱心期信一丘
林籟斷茅屋歲月懷
良儔草青不近路日斜
野繫舟夕水涵秋白孤
鴻自去留

春日遠郊

東阡一雨霽溪口聞流泉
行春愜遊事沽酒盡

俸錢沐芳囀幽鳥澗日明孤煙不負黍稷稅耜
耕今在田

仲春郊外

水香木蘭楫日照桃花津沃轡轉遙壑餉煙吹
四隣適茲文墨暇欣彼物華春所思屬霄漢感
歎清路塵

對酒

芳樽臨楚水幽思誤濠梁棠憩春鳩亂蕩流晚
岫香艱難瞻使節貧賤耻賓行獨有風前桂

不借露光

松鶴壽彭敬之

靈柯百尺摩蒼穹老骨鬬石如青銅長風劃然
起煙壑戟髯怒卷霜瞳瞳一雙白鶴好毛羽順
風不羨黃鵠舉千歲歸來問城郭南山只有松
陰主松陰主人誕長生持觴愛此青田卿何時
雲間騎一隻玉笙吹月上瑤京

雪景圖

天風夜撼玻璃國四面沈沈元氣黑荒林野片

鷄雞遠世界江山盡瑤色山翁倚檻立蒼茫一
鳥不鳴山外村冷光十里斷人跡玉樹皜皜橫
山門溪寒沙淺水煙滯仙妹犯曉停風馭雪中
忽憶清冷橋詩逋老去憑誰寄

胡人出獵圖

朔風蕭蕭雁門道邊色寒蒼動枯草碧眼胡兒
殺氣高雲中射獵雞鳴早弮弓一聲壠水聞箭
帶清哀雁落雲狂盧閃襲黃龍破狐兔橫奔血
路分解裘下馬平原立掠地蒼鷹羽毛濕胡姬

一曲陰山歌叵羅滿注羊酥汁蒲萄痛飲樂無
涯華自華兮夷自夷世間萬物各有適打圍之
樂誰爾疑當今 聖人德無外翠華六轡時瞻
邁腥膻莫近賀蘭山養育須懷皇恩大

雪航題號

長江瀉水下建業海門潮色動眉睫北風連山
卷雪飛波底客舟凍一葉爾時木落江亦空舵
牙撞水江之東萬鴉僵立礪石暗遙見縷縷茶
煙紅城頭老樹低幾尺雲裏看山千仞壁斷河

折葦僻沙港冷光直射蛟龍室青山渡口月出
皓鷺嶺夜半鐘聲到當爐一笑任吳姬醉着裝
衣脫貂帽

贈弟之蒲江縣

寒江催短日噓蜀有人行窮巷違親舊衰懷托
弟兄路當鴻雁別心與去帆征遠道加餐飯關
河早寄聲

二

才人多被罪此意孰窺天身逐投荒檄心如未

年位跡惟戀闕

主聖自懷賢路出巫山雨

騷人莫繫船

四景

野構延新霽輕雲放遠山酒添花木氣春與性
情閒養拙無多事浮生有笑顏鳥聲渾識意只
在釣磯灣

短榻橫清暇南山過雨痕薰風生草末積水浸
雲根蕙思虛瑤瑟菱歌近酒樽但知真樂在相
憶復誰言

九秋風色澹水落綠花潭十步有芳酌一茅
舊龕南山今昨是野菊醉醒甘懷憤義熙後誰
將此意察

崑樓寡儔匹幽思渺難裁雪陣寒初閣江光晚
未開轉空聞語屑鏘韻上琴臺日暮看猶落漁
翁罷釣回

贈黎侍御巡按四川

蜀雨巫雲不碍山使君親度萬重關秋花尚惜
芙蓉錦川路頻驅橫石頑柱笏獨臨飛鳥上

詩多寄翠微間金烏踏徧行臺栢驄馬遙歸十

二開

二

愛君詩思逼長江且酌霜英醉小窗燭裏談鋒
新拔壘堦頭簪筆舊如杠滄洲弔影冥鴻獨霄
漢連城白壁雙西去岷山更西路有人飢渴拜
旌幢

元日

鼓角喧春歲已除雪花如掌徧郊墟屠蘇又醉

王正月童子不嫌吾舊廬江曙忽驚山亦老梅
寒真與鶴添臞農人愛此占年事莫向邊關
淚餘

二

梅花喜見一枝橫瓦雀連聲報曉晴三日泥穿
東郭履六年人住楚江城川融石水源源動林
晏春雲處處生滿面條風吹不斷閣山晴雪笠
邊明

喜雨應吳大家二首

誰挽天河四月翻山雲
護使君軒蒲葵半
青紅濕瀼瀼滿塘黃濁喧
滕溜暗添秧下水
煙迷駢竹邊村怒雷莫促
弄龍急枯槁惟宜
霖恩

二

坐聽簷虛瀉涕濤也知真宰養民膏北窗夢覺
增締絡南畝人歸罷桔槔鄉賽入村喧社鼓野
塘生水受漁舸雨師先及公田足爲報官家
字勞

十四夜月

夜久誰家舊鏡懸清光仍欠一分圓吳剛不解
斲輪意李白虛傳問月篇兔影斜含丹桂陌鸞
聲細墮白榆燂玉樓仙夢今非昨天步雲驂付
少年

十五夜月

圓魄初升萬象奇霄光先泛碧梧枝清虛露墮
疑蟾泣滄海書來訝鳳遲靈谷山高曾對酒洞
庭秋好記題詩廣寒仙樂開香宴法喜應拈玉

竹吹

秋日遊慧方寺

清風兩袂裊禪關統檻蒼松記舊攀寒溜靜依
雙澗在白雲長占一丘閒酒酣送客迷江畔興
至穿林坐竹間欲向定中談出入老禪惟看寺
前山

二

村逕蕭蕭二里長尋幽翻訝與僧忙竹廊舊憶
題詩處蓮社新開選佛場落日疎鐘遙渡水晚

風黃葉暗驚霜忽從伏馬橋邊過往事今因甚
可傷

潁江歸自南昌

愁君遠道迷風雨邂逅忽隨風雨歸應爲高堂
念行李却從漁父借蓑衣昆蟲歲晚閉關早鴻
雁江寒接羽稀天地慳賢子子極且須時命向
荆扉

七夕

露下青楓暑未歸鸞空環珮轉輕微星宮一

離鸞合雲漢三更喜鵲飛天上佳期懽玉漏人
間愁思冷金徽七襄漫作牛郎贈淚濕麻姑織
女機

久雨用杜韻

久雨東臯生事微山雲冷逐市煙飛大江水漲
孤城寂遠道天寒一雁稀野戍黃昏傳濕鼓關
河幾處憶征衣曉看屏翳俱狼籍應見羲和駕
已歸

北園

農家闢圃種城邊，半帶溪山半近田。
樗枿散材常閱世，葑遺下體孰親賢。
酒干得伴寧妨俗，詩到無聲似入禪。
莫訝荒墟盡搖落，夕陽初媚菊
花天。

送節推北上

暮天鏘鼓發寒城，遠樹含汀失望旌。
野老在山雲作贈，使君開舫鶴隨行。
故鄉潮落鱸魚美，上國春來鴻雁鳴。
公去蓬山侍釐禁，江南芳草若爲情。

迎春柬徐太守

霽煙初放鳥初鳴，萬戶春迎太守行。
八把陰晴占百燄，天教風雨遞雙旌。
江湖水動魚思泳，山路寒輕木向榮。
莫訝土牛喧鼓板，厥明辛苦是鞭聲。

贈別廖汝謙

一自狂歌有去舟，隴雲巴月遡河流。
劍光遠射峨眉雪，客思閒消鸚鵡洲。
鄉國又逢聽雨夜，天涯重憶寄書秋。
征衫尚帶聞猿淚，笑拂風塵六

子裘

過石江子

簷外江聲落酒卮老夫携伴過隣時
醉醒只在荒城生憂樂
短髮知白壁夜光誰按劍
綠琴心遠自調絲
清談絕倒爐熏畔
野性年來似鹿麋

雨中三首

盡日高齋聽雨眠
數聲春燕語梁邊
蒼苔水
知多少
一夜清江阻釣船

石竹叢陰路不乾
晚移殘興看春瀾
落花風裏無人跡
細雨誰憐翡翠寒

階前楚尾濕氍毹
屏下紅燈照暮龕
莫怪山人詩作癖
却勝春雨憶江南

雜畫

村底閒門面石開
青山如畫水如苔
白雲久作孤舟伴
流過青溪渡口來

山房小隱

此身天地一筇長
語笑含風草樹香
莫道入山



絕人境山前十里是柴桑

石倉十二代詩選

明次集卷百之五

伎陵集

大明

洵陽張鳳翔著
後學曹學佺閱

相逢狹路間

相逢狹路間路狹車不容錦衣二年少玉勒羈
雙龍問君在何處君家人易知易知亦難忘金
水河之滑金釘次朱戶翠波通瑤池堂上奏絲
竹堂下喧鼓鼙太宮錦襴腰登饌羅珍奇嬌娃
俱二八魚貫傳瑤卮宮粉各殊別婉婉芙蓉姿

清歌稱妙舞密眄揚脩眉椒蘭蕩邪穢暗度青
雲達不知夕陽下但見華筵移兄弟兩三人置
身俱不卑大者上柱國次者校尉司小者亦列
侯中禁容奔馳五日一來歸中使相追隨輿圍
綺羅蓋馬絡黃金羈門排虎牙杖室結蓮花帷
大婦繡鴛鴦中婦抱嬰兒小婦持斑管對局裁
新詩丈夫且安坐玉笛不成吹柔聲忽滿竅清
響飛天涯

白馬篇

白馬如飛龍金鞍耀朝日腰下瑤房開龍泉山
可劈上堂辭二親誓不顧家室西出長安門馳
突如風疾遙望白龍堆欲擣玄狐窟羯胡撼地
來北風吹感策交刃陣雲昏彎弓昴宿失登壇
新樓蘭傳檄收哈密功成勒天山關河置津驛
部列五校屯凱旋六師卒天子燕武英太史
秉直筆豈恤萬戶封所貴吾事畢

湘妃祠

虞帝南征不復歸湘君日暮啼青衣秋風娜娜

湘水冷愁雲化作清霜飛清霜着草草欲死着
竹竹黃印斑紫蒼梧雲色凝不流夫君渺渺雲
上頭曼聲浣月正愁絕何處雌凰聲不歇蟠龍
起舞潭水波幽吟咽咽生盤渦凝雲作雨老天
泣竹中柰此雙愁娥

南洲老人歌

南洲老人好吹笛鐵管橫江僅三尺清風灑灑
拂紫髯水底眠龍時唧唧江濤走石驪珠寒冽
仙隱約呼雲端白榆歷歷不可拾遺我一粒黃

金丹刀圭入口骨毛爽兩腋生翰脫塵網銀橋
四畔水瀾瀾擎手捫天時下上琅玕瑤樹隱璫
樓廣寒宮闕凝素秋仙人倒乘九苞鷗招我同
此汗漫遊招我同此汗漫遊夜來改我江南洲

江頭老人歌

茆屋江頭棲燕子暝樹微茫似煙雨江蛟弄月
波水寒夜半何人歌白紵老翁起聽醒不醒短
蘆乍有驚鷓鳴玉壺墮影半窗白老翁醉卧魂
冥冥夢中笑語不我答閒情似與江鷗狎

送人省覲

雨餘春漲桑乾水歸憶函關二千里高堂阿母
日倚門孤雲凝睇愁夢魂西風千里入長安一
封書上紅雲端麻鞋闕下拜天子乞地崦嵫
出溫旨雪花如掌狐兔藏燕山老梅吹古香歲
蛇赴壑不可捉馬上春風吹髻脚孤雲凝睇白
雁歸越羅開篋裁征衣雨餘春漲桑乾址黃金
臺下花如綺裘書匣劍西入秦沙頭冠蓋何輪
困仗劍對酒眼雙白白石青山照行色蒲帆引

瀟古渡頭亂山回首芙蓉稠鳳皇城上雲起滅
十二玉樓春乍隔高堂阿母日倚閭夢魂時繞
華山廬汪倫當日送李白我今與之情何如中
條太行接函關黃河來自崑崙山望中雲氣似
車蓋必有名世生其間于公門闔容駟馬王氏
庭槐自拱把眼中見子已昂藏他日相逢馬須
下

賦得賀蘭山送李獻吉

往年榆林告亟發公帑十五萬餉之大司徒

檄以君往今年寧夏缺餉乃七萬金以君往
君于邊儲遠情可謂勞且周矣諸交游輩擇
朔方形勝可詩者分詠贈焉而賀蘭之山未
有作者君以行之先一日命鳳翔賦之遂從
而爲之詞

君本關西人乃作關西行往年使榆林今年使
朔方西度黃河四千里眼中見此誠莽蒼賀蘭
山高五千仞翠壁蒼峰削孤峻清泉百道草樹
濃雄哉蟠據河南鎮山西胡虜東中國何必

城分南北君不聞胡云奪我燕支山使我
無顏色賀蘭固是中國望可容胡虜爲巢穴
聞朔方兵不若榆林強不有賀蘭山朔方誰其
當王公設險計守國地險如此功可量君齋公
帑十七萬作氣鼓力功可斷死魚芳餌有明言
要在得人富籌算古有班定遠克收西域生封
侯亦有傅介子借劍立斬樓蘭頭甲兵百萬范
老子西賊膽破誠壯猷君抱濟時具未償投筆
懷此行亦是棄繻意賀蘭入眼何壯哉左顧黃

河流右摩賀蘭頂賀蘭日高河日深會當勒功
摩石廩黃河洗甲山挂弓西望龍沙滅胡影

紅梅

靈山石滑走白兔羽衣翩翩鐵橋路手撚三尺
紫珊瑚一片丹霞映霜素渴服臙脂井底泉飢
餐瑪瑙甕中露換骨曾分紫府丹出塵不借清
風屨乾坤二月春氣濃幸好逃奴逞妖媁仙人
絳節上琉璃吹落香風滿寰宇黃鶴樓頭玉
吹無緣得見藍橋媼安能盡度世間人箇箇

顏若能駐

盆荷

臨溪問花花不語愁對湘波弔堯女幽魂化作
水上花阿誰剪取來君家知君深得種花術一
朶兩朶曷波出玉立娉婷澹且閒碧簪竟插青
泥間丈花船藕嬾屋矮一片入口沈疴解出塵
自恨骨未仙乘風無地超三千瑤池燕我開瓊
筵雲中時聽霓裳篇

蘭竹

楚臯煙雨逗寒綠秋水并刀剪一幅龍雛逐節
脫錦棚蛇老退皮棚青玉碧花淺淡香一叢綠
葉芬芬清滿屋襲入堂下靡蕪秋憶我山中貧
簞谷裁皮可製高祖冠紉葉宜爲靈均服玉山
只欲洗塵氛糠竅惟知厭梁肉豈知益友能化
人更着此君可醫俗風霜抱節挺孤高日暮凌
寒習幽獨君家有圃如瀟湘休種繁花種蘭竹

松鶴吟

養禽貴養鶴種樹貴種松鶴本遼陽仙松本徠

徠公君家老鶴白如雪萬里飛翔乃所悅君家
老松青如山百圍偃蹇那可攀鶴兮鶴兮時高
舉上寥廓兮下滄渚西過懸圃豕青泥不逐鷗
鷄爭腐鼠松兮松兮但孤撐蟠后土兮參青冥
歷諳寒暑百不變肯與桃李爭浮榮嗚呼此松
與此鶴閱世千年但如昨

對雪

客路經初白寒深出戶遲凍鴉棲易辨宿鷺起
方知一水界空碧諸山遺故姿蹇驢傷徑滑江

上看梅時

和李獻吉遊西山韻

君有踏春興招呼我亦從
登高攀石磴眺遠聽
山鐘風起偏依樹雲來欲暗峰
過橋逢野寺一
逕入深松

又

傍山春更好散步一相從
密樹封荒殿圓苔上
古鐘門通橋北路雲鎖塔前峰
斜日西山下歸
鴉認故松

挽劉鍊師

日暮雲深處王孫不可招
鐵橋春未度丹竈火
初銷誰拄開山杖空壘煮月瓢
海風鶴駕遠擬
赴閩風朝

邊警

枉矢欃槍逼斗杓邊城烽火縱
天驕經年戎馬
虛奔驚向夜星辰半動搖
外府盡煩劉轉運北
軍爭得霍嫖姚桑中一飯猶知報
檇散無謀補
聖朝

七夕

綵綫珠樓月半輪
共看河鼓會天孫
兒童爭喜蛛絲網
庭院何慚犢鼻禪
書傳古香生齒頰
機梭空影落匏尊
橋填鵲石通銀浦
乞巧何時叫帝闈

潞河舟次

萬艘風集潞河陰
同是臣民拱極心
人望京華依北斗
津通析木貢南金
蜂房井井吹煙突
龍舳年年逗石林
我亦荷君慚肉食
爲言國計轉

愁深

送友奉使郢州

春草離離春水波
春卿南下興如何
江頭鼓吹迎旌影
望外風煙入櫂歌
獨上紫壇開玉璽
共看蒼節度銀河
君王南望時當宁
夢裏清班幾佩珂

二

丹書金冊重封題
親遣儒臣賜剪圭
天建楚邦分社土
人迎漢使築沙堤
危厓藏裏蒐遺傳
古

草堂邊詠讓溪十二樓頭懷國夢客窗時誤聽
朝雞

宮詞

中年纔出上皇宮偏得君王寵幸隆東內有時
朝太后情知不是舊家風

二

蚤諳圖史欠吹噓長侍宮闈備掃除一日詔宣
充典奏秩名應賜女尚書

見梅一首

慣依書舍與漁家多在山根與水涯小院可人
惟一樹月明籠得半窗花

詠梅

夜深和月印窗紗宛是孤山處士家短角城樓
隨處起莫教吹到落梅花

熊一卓

字士選別號
東溪豐城人

送許給事中啓衷使交趾二首

春明發車騎合沓集川原美人使絕域相送東
郭門君去豈徒然能令中國尊

邈矣南荒地于今過使君蠻王拜
帝勅草木識人文日月輿圖外
應歌銅柱勳

見新燕有懷

城隅有高館宴坐常寂寥
海燕及春來雙飛還舊巢
昔去誰所迫今來誰所邀
何事同心人去邈難招

寫廳壁桃源圖

聖皇御海宇邈無夷夏分
羣才爭洗濯鳳凰遊中原
乘時佐休治史籍騰清芬
開有武陵源流

水隔塵誼當時避秦者
此地忘朝暉花飛崑崙
雨月落松間雲引領無翊戴
低頭麋鹿羣住世長子孫
徒喧晉宋文悠悠竟蕪沒
遺踪安足論

中秋同獻吉諸公登鏡光閣是夜無月

羣騶駕言返暮霏擁林塘
出寺復入寺嬉遊殊未央
支公素耽客展席臨中堂
銀膏照四壁團月出未光
遲遲動深酌語靜聞啼螿
爰以結歡好婉戀金玉章
願爲雲中鶴比翼同翱翔

野坪爲馮治之作

古樹藹叢薄脩原帶郊垌悠悠天容展瀾瀾地
勢縈桑麻蔭其中朝暮聞雉鳴遊者終良辰樵
牧日營營倦翼集幽林歸雲野墅橫游子抱真
性念此動高情寵盛功弗居終以託吾生

歲晏和仲默韻

天涯寥落客歲晚獨含思白日當空速歸雲帶
雪遲風煙憐去住節物愴心期對酒那能樂攄
懷一賦詩

送獻吉歸里

相送轉惆悵天寒聞暮鐘高鳥去不息浮雲來
幾重河關經舊壘墟里對孤松結束平原騎翩
翩塞北逢

和何仲默遊靈濟宮韻

乍識桃源路瀟然世外居玉壇秋雨冷紫閣晝
陰虛殮玉傳奇訣抄方簡異書却憐車馬客羈
束未能疎

和復李獻吉懷韻

暫出邊關道親交念別羣新蕪炎雨長遠樹夕